



甫里先生集卷之一

唐

竺澤

陸龜蒙

魯望

五言古一

讀襄陽耆舊傳因作詩五百言寄皮襲美

漢臯古來雄山水天下秀高當翼軫分化作英髦  
 秦之前人灰滅不可究自從宋生賢特立冠耆舊  
 離騷紀一作既紀日月九辯即列宿卓哉悲秋辭  
 合在風雅右龐公樂幽隱辟聘無所就祇愛鹿門泉  
 泠泠倚岩漱孔明臥龍者潛伏躬耕耨忽遭丕德雲  
 遂起麟角鬪三胡節皆峻二習名亦茂其餘文武家  
 相望如斥堠緬思齊梁降

寂寞寡清胃凝融為漪瀾復結在瑩瑋不知粹和氣有  
得方大受將生  
其奏并包數公才用以  
殿厥後  
俎豆積漸開詞源一派分

結構次補荀孟垣所  
宇宙却視五霸圖朕

鷓鷯或喜掉直舌

錯謬或如百千騎合脊原野狩又如  
曉江平風死波不皺幽埋力須掘遺落貨必購乃于文  
學中十倍猗頓富囊重向咸鎬馬重遲步驟專場射策  
時縛虎當羿殼歸來把通籍且作高堂壽未足逞戈矛

誰云被文繡從知偶東下帆影拂吳岫物象悉摧藏精

靈畏雕鏤伊予抱沈疾顛顛守圭竇方推洪範疇更念

大平首去聲陳詩採風俗學古窮篆籀朝二貫薪未往二逢

責詬既被隣里輕亦為妻子隨持冠適甌越敢怨不得

售窘若曉沙魚悲如哭霜狽惟君枉車轍以逐海上臭

披襟兩相對半夜忽白晝執執濯清風忘憂飲醇酎驅

為文翰侶駕阜參驥廐有時諧宮商自喜真邂逅道孤

情易苦語直詩還瘦濼匠如見訓終身致懷袖

襲美先輩以龜蒙所獻五百言既蒙見和復示

榮唱至于千字提獎之重蔑有稱實再抒鄙懷

用伸訓謝

洪範分九疇轉成天下規河圖厚八卦煥作不中奇先  
開否臧源次築經緯基粵若魯聖出正當周德衰越疆  
必載質歷國將扶危諸侯恣崛強王室方陵遲歌鳳時  
不偶獲麟心益悲始嗟吾道窮竟使空言垂首贊五十  
易又刪三百詩遂全篇籍光可並日月姿向非筆削功  
未必無瑕疵迨至夫子沒微言散如技一作披所宗既不同  
所得亦異宜名法在深刻虛不致希夸自從戰伐來一  
派縱橫馳寒谷生艷水沸潭結流澌驚奔失壯士好惡  
隨織兒羸氏并六合勢尊丞相斯加于挾書律畫取坑

焚之南勒會稽頌北恢胡亥只猶懷徧巡狩不暇親維

持及漢文景後鴻生方銀規出三簸揚堯舜風反作三代

吹飄、四百載左右為籓籬鄴下曹父子獵賢甚熊羆

發論若霞駁魏文帝典論有論文篇裁詩如錦摘涂王應劉輩頭角咸相

哀初危切或有妙絕賞或為獨步推或許潤色美或嫌詆訶

癡倏以中利病且非混醇醜雅當乎魏文麗矣哉陳思

不肯少選妄恐貽後世嗤吾祖仗才力士衡文賦革車蒙虎皮

手持一白旄直向文場麾去輕若脫鉗鈇豁如抽屨度精

鋼不足利腰褻何勞追大可罩山岳微堪折毫釐十體

免負釐百家咸起痿爭入鬼神奧不容天地私一篇邁

華落萬古無子遺刻鵠尚未已雕龍奮而為

劉勰有文心雕龍

劉

生吐英辯上下窮高卑下臻采與齊上指軒從義豈但  
標八索殆將包兩儀入謠洞野老騷怨明湘纍立本以  
致詰驅宏來抵厖清如朔雪嚴緩若春煙羸或欲開戶  
牖或將飾纓綫雖非倚天劍亦是囊中錐皆由內史意  
致得東菟詞梁元畫索虜後主終亡隋哀音但浮脆豈  
望分雄雌吾唐揖讓初陸列森芒變作頌媿吉甫直言  
過祖伊明皇踐中日墨客有參差岳淨秀擢削海寒光  
陸離皆能取穴鳳畫擬乘雲螭邇來二十祀俊造相追  
隨余生落其下亦值文明時少小不好弄途巡奉弓箕

雖然苦貧賤未省親嚙

唯

秋倚抱風挂晚烹承露葵

窮年只敗袍積日無晨炊遠訪賣藥客閒尋捕魚師歸

來蠹繡上得以含情窺抗韻吟比雅覃思念捫攤因知

昭明前剖石呈清琪又嗟昭明後敗葉埋芳蕤縱有月

且評未能天下知徒為強貌豹不免參狐狸誰震行地

足誰抽刺天鬻誰作河畔草誰為洞中芝誰若靈囿鹿

誰猶清廟犧誰輕如舉毛誰密如凝脂誰比蜀嚴靜誰

方巴賈貨誰能釣并鼈誰能灼神龜誰皆如水火誰同

若墳筮誰可作梁棟誰敢驅谷蠡

鹿黎

用此常不快無人

動交缺空消病裏骨在自愁中髡鹿門先生才大小無

不怡就彼六籍內說詩直解頗顧我迷未遠開懷瀆其  
疑初開鑿本源漸乃疏旁支還古派泛濫皇朝光赫曦  
揣摩是非際一一如襟期李杜氣不易孟康節難移信  
知君子言可並神明著枯腐尚求律膏肓猶謁醫况將  
太平味見咱道懸飢今來置家地正批吳江渚餌薄鉤  
不曲蹇然守空坻嘿坐無影響唯君款茅茨抽書亂籤  
帙酌茗煩甌犧或伴補缺砌或偕詣荒祠孤筇倚煙蔓  
細木橫風漪觸雨妨靡屨臨流泥江籬既狎野人諷甘  
為豪士訾不敢負建鼓唯憂掉降旗希君念餘勇挽袖  
登文俾

奉訓襲美先輩吳中苦雨一百韻

微生參最靈天與意緒拙人皆機巧求百逕不一達家為  
唐臣來奕世惟搜尚尺重清白風凜自

祖六代  
祖皇朝繼在台輔  
猶

曹昧有志常捐一敢云嗣良工但欲終守節諠譁不入耳讒  
佞不挂舌仰詠堯舜言俯遵周孔轍所貪既仁義豈暇  
理生活縱有舊田園拋來亦蕪沒因之成否塞十載真  
契濶凍飭一檐榆飢腸少糠粒甘心付天壤委任分迴  
斡笠澤臥孤雲桐江釣明月盈筐盛芡芰滿釜煮鱸鯪  
酒熾風外飮茶槍露中擷茶芽未展者曰槍已展者曰旗歌謠非大雅拮據為

小說上可補薰莖滂堪毗芽孽

龜蒙嘗著  
拜說三卷

方當賣鬻罩盡以

易紙扎蹤跡尚吳門夢寃先魏闕尋聞天子詔赫怒誅

叛卒宵旰憫烝黎謨明

謨一作暮

問征伐王師雖繼下賊壘未

即拔此時淮海波半是生人血霜戈驅少壯敗屋棄羸

臺踐踏比塵埃焚燒同稿結吾皇自神聖執事皆間傑

射策亦何為春鄉送聊輟伊余將貢技未有耻可刷却

問漁樵津重耕煙雨撥諸侯急食冗賸方剪截不可

抱詞章巡門事干謁歸來闔蓬捷壁立空壁褐煖手抱

孤煙披書向殘雪幽憂和憤懣忽愁自驚蹶文兮乏寸

毫武也無尺鐵平生所儲蓄到死不開豁念此令人悲

翕然生內熱加之被鞭瘡况復久藜糲既為霜露侵一

臥增百疾筋骸將束縛腠理如篁捩初謂抵狂軀又疑

當毒蝎江南多事鬼巫覡連甌粵可口是妖訛恣情

賞罰良醫只備位藥肆成虛設而我正萎痿安能致訶

咄椒蘭任芳蕊精搗從羅列酸筆既屢傾錢刀亦隨蕪

兼之瀆財賄不止行盜竊天地如有知微妖豈逃殺其

時心力憤益使氣息愒永夜更呻吟空牀但皮骨君來

贊賢收野鶴聊簪笏謂我同光塵心中有溟渤輪蹄相

壓至問遺無虛月首到春鴻濛猶殘病根芟看花雖眼

暈見酒忘肺渴隱几還自怡逢盧亦爭喝抽毫更倡和

劍戟相磨憂何大不包羅何微不挑刮今來值霖雨晝  
夜無暫歇雜若碎淵淪高如破輻輳何勞鼉吼岸詎要  
鶴鳴埵祇意江海翻更愁山岳裂初驚蚩尤陣虎豹爭  
搏噬又疑伍胥濤蛟蜃相蹙投千家濛瀑練忽似好披  
拂萬瓦垂玉繩如堪取縈結况余居低下本是蛙蚓窟  
邇來增號呼得以恣唐突先夸屋舍好又恃頭角凸厚  
地雖直方身能徧穿穴常參莊辯裏亦造揚子末偃仰  
縱無機形容且相忽低頭增歎說到口復嗚咽沮洳漬  
琴書莓苔染巾襪解衣捨倉粟糝裨猶未脫飢鳥屢窺  
臨泥僮苦春

或聞秋稼穡大半沉澎汜耕父蠹齊民

農夫憂旱魃吾觀天之意未必洪水割且要虐飛龍又  
圖滋跋覽三吳明太守左右皆儒哲有力即扶危懷仁  
遐救暘鹿門史夫子氣調真俊逸截海上雲鷹橫空下  
霜鶻文壇如命將可以持玉鉞不獨宸義軒便當城老  
佛顧予為山者所得纔篋撮譬如飾箭材尚欠鏃與筈  
閒將飲兒唱強倚帝子瑟幸得遠瀟湘不然嗤賈屈開  
絨窺寶肆璣貝光比擲朗咏衝樂懸陶匏嚮鏗揭古來  
愁霖賦不是不清越非君頓挫才冷氣難摧折馳情扣  
虛寂力盡無所擬不足謝徽音祇令凋鬢髮

奉酬夔美先輩初夏見寄次韻



積雨晦臯園門前煙水平蘋蘩增遙吹地席分餘清村  
布說酒美睎來滿銜程一作未必減宣子何羨謝公榮借  
宅去人遠敗墻連古城愁鷗占拈拏野鼠趨前楹昨日  
雲破損晚林先覺晴幽篁倚微照碧扮含疎莖蠹簡有  
遺字牧琴無泛聲蠶寒繭尚薄燕喜雛新成覽物正搖  
思得君初夏行誠明復散誕化匠一作安能爭海浪刷三  
島天風吹六英洪岷領玉節坐使虛音生吾祖傲洛客  
因言幾為滄末喬寔儒者敢懷干墨卿惟思釣璜老遂  
得持竿情何須乞鷺矣豈在斟羊羹畦蔬與甕醪便可  
相携迎蟠木几甚曲筍皮冠且輕閒心放羈勒醉脚從  
欹傾一逕有餘遠一窓有餘明秦皇若不達天下何足并

奉和襲美二遊詩

徐詩

嘗聞四書曰經史子集焉苟非天祿中此事無由全自  
從秦火來歷代逢迤邐漢祖入關日蕭何為政年盡力  
取圖籍遂持天下權中興熹平時教化還相宣立石刻  
五經置于太學前賦莽亂王室君臣如轉圜洛陽且煨  
燼載籍宜為煙遠晉武革命生民繞息有意懷亟寡昧  
戎羯俄腥羶已覺天地閉競為東南遷日既不暇給墳  
索何由專爾後國脆弱人多尚虛不任學者得謗清言

者為賢直至沈范輩

沈約范雲皆藏書數萬卷

始家藏簡編御府有不足仍

今就之傳梁元渚宮日盡取如蚺蜥兵威忽破碎焚蕪

無遺篇近者隋後主搜羅勢駢闐寶甬映玉軸彩翠明

霞鮮伊唐受命初載史聲連延砥柱不我助驚波湧淪

連遂令因去一作注古書半在餘浮泉貞觀購亡逸蓬瀛漸周

旋昃然東壁光與月爭流天席矣開元中王道真平便者

八萬五千卷二皆塗鈔人間盛傳寫海內奔窮研目云

西齋書有過東臬田吾聞涂氏子奕世皆才賢因知遺

孫謀不在黃金錢棟架幾萬軸森、若戈鋌風吹籤牌

聲滿室鏗鏘然佳哉虎門子好問好除瘡倏來參鄉處

遂得參鄉憐開懷展樹簾唯在性所便素業已千仞今

為峻雲巔雄才舊百派相近浮日一作百川君抱王佐圖縱

步凌陶甄他時若報德誰在參鄉先

任詩

吳之辟疆園在昔勝槩敵前聞富脩竹後說紛怪石

竟陵子陸

羽玩月詩云辟強舊林閭怪石紛相向

風煙慘無主載祀將六百草色與行人誰能

問遺跡不知清景在盡付任君宅却是五湖光偷來傍

檐隙出門向城路車馬聲躑躅入門望亭隈水木氣岑

寂隼墻繞曲岸勢以行無極十步一危梁乍疑當絕壁

池容澹而古樹意蒼然僻魚驚尾半紅鳥下衣全碧斜

來島嶼隱恍若瀟湘隔雨靜挂殘絲煙消有餘脉竭來  
任公子擺落名利役雖將祿代耕頗愛巾隨策秋籠吏  
道鶴夜榻戴顛客說史足為師譚禪差作伯君多鹿門  
思到此情便適偶蔭桂堪惟縱吟苔可席顧予真任誕  
雅遂中心獲但喜醉還醒豈知平尚白甘閒在雞口不  
貴封龍額即此自怡神何勞謝公屐

次追和清遠道士詩韻

一代先後賢聲容劂河漢况茲邁古士復歷蒼崖竄辰  
經幾十萬邈與靈壽既海嶽尚推移都鄙固蕪漫羸僧  
下高閣獨鳥沒遠岸嘯初風雨來吟餘鐘咀亂如何鍊  
精鬼萬祀忽歆半寧為斷臂憂肯作秋柏散吾聞鄴宮  
內日月自昏旦左右脩文郎縱橫灑篇翰斯人久冥漠  
得不垂慨歎庶或有神交相從重興讚

補沈恭子詩

并序

案清遠道士詩題中有沈恭子同遊既為神怪之  
傳得非姓氏謚為恭子乎一作若趙宣子韓獻子之類  
耶恭子美謚也而詩中有風流詞翰之稱豈獨唱  
而不和者歟疑闕其文以為恭子之恨乃作一章  
存于編中亦補亡之義也

靈質貫軒昊遐年越商周自然失遠裔安得怨寡儔我

亦小國亂易名慙見優雖非放曠懷雅奉道遥遊携手  
桂枝下屬詞山之幽風雨一以過林麓颯然秋落日倚  
石壁天寒登古丘荒泉已無夕敗葉翳不流亂翠缺月  
隱衰紅清露愁覽物性未逸反為情所囚異才偶絕境  
佳藻窮冥搜虛傾寂寞音敢作雜珮酬

甫里先生集卷之一終

甫里先生集卷之二

五言古二

讀陰符經寄鹿門子

清晨整冠坐朗詠三百言  
備識天地意獻詞犯乾坤  
何事不隱德降靈生軒轅  
口銜造化斧鑿破機關  
門五賊忽迸逸萬物爭崩奔  
虛施神仙要莫救華池源  
但學戰勝術相高甲兵也  
龍蛇競起陸鬪血浮中原  
成湯與周武反覆更為尊  
下反秦漢得一作傳黷弄兵亦煩  
姦強自林據仁弱無枝躡  
狂喉恣吞噬送翼爭飛翻  
家、同天發不肯匡淫昏  
生民墜塗炭比屋為冤  
鬼祇為讀此書大

撲難久存微臣與軒轅亦是萬世孫未能窮意義豈敢  
求瑕痕曾亦愛兩句可與賢達論生者死之根死者生  
之根方寸了十字萬化皆胚暉身外更何事眼前徒自  
喧黃河但東注不見歸崑崙晝短苦夜永勸君傾一搏  
奉和初夏遊楞伽精舍次韻

吳都涵汀洲碧液浸郡郭微雨蕩春醉上下一清廓竒  
蹤欲探討靈物先察瘼飄然蘭葉舟旋倚煙霞泊吟譚  
亂篙艣夢寐雜巖嶠織情不可逃洪筆難暫閣豈知楞  
伽會一作舍乃在山水第金仙著書日世所名極樂菴葡冠  
諸香琉璃代華堊禽言經不輟象口川寧涸萬善峻為

城巉々扞群惡清晨欲登造安得無自愕險穴駭坤牢  
高蘿挂天索池容澹相向蛟怪如可摸苔蔽石髓根蒲  
差水心鰐嵐侵禽一作達摩髻日照狻猊絡仰首乍眩旋迴  
眸更輝燿擔端凝去飛羽磴外浮碧落到迴解風襟臨幽  
濯雲屨塵機性非便靜境心所着自取海鷗知何煩尸  
祝酢岸圍震澤岸翠浪舞綃幕激灑豈堯遭峻嶂非禹  
鑿潛聽鐘梵處別有松桂壑靄重燈不光泉寒網猶薄  
僅能躡孤刹烏慣親縱鐸服道身可遺乞閑心已諾人  
間亦何事萬態相毒蠱戰壘競高深儒衣謾褒博宣尼  
名位達未必春秋作管氏包霸圖須人解其縛伊予採

樵者蓬藿方索漠近得風雅情聊將聖賢度多君富道  
采識度兩清恪詎寵生滅詞肯教夷夏錯未為堯舜用  
且向煙霞託我亦擺塵埃他年附鴻鶴

奉和公齋四咏次韻

小松

擢秀逋客岩遺根飛鳥運因求飾清閤遂得辭危窶貞  
同拍有心立若珠無脛技形短夫怪鬣數差難定名山記云  
松有兩鬣  
三鬣七鬣者言如馬  
鬣形也言拉者非况密三天風方導四時柄那興培接歎免答  
鄰里病微霜靜可分片月疎堪映奇當虎頭筆韻叶通  
明性會拂陽烏胸掄材膺帝命

小桂

諷賦輕八植擅名方一枝才高不滿意更自寒山移宛  
宛別雲態蒼々出塵姿煙歸助華杪雪點迎芳蕤青條  
坐可結白日如弄螭諒無鬣鬣剪憂即是蕭森時洛浦雖  
有蔭騷人聊自怡終為濟川楫豈在論高卑

新竹

別塢破苔蘚嚴城樹軒楹恭聞稟璇璣化質離青冥竹璣  
玕玉  
精受氣于  
平軒之宿色可定雞頭實堪招鳳領立窺五嶺秀坐對三都  
屏晴月窈窕入曙煙霏微生昔者尚借宅况來處賓庭  
金壘縱傾倒碧露還鮮醒若非抱苦節何以偶惟馨徐

觀揮龍出更賦錦苞零

鶴屏

時人重花屏獨即胎化狀叢毛練分彩疎節筇相望八公相催

經云大毛落叢毛生其色如雪又云高脚疎節則多跋

曾無氈氍態頗得連軒樣勢擬搶高尋身

猶在角丈憂如雞鷺闢似憶煙霞向塵世任縱橫霜襟

自閑放空資明遠思不待浮丘相何由振玉衣一舉棲

瀛閬

奉和因贈至一百四十言

孔聖鑄顏事垂之千載錄其間王道垂化作荆榛墮天  
必授賢哲為時攻剪除軻雄骨已朽百氏徒超超近者

韓文公首為閑闢鋤夫子又繼起陰霾終廓如搜得萬

古遺裁成十篇書南山盛雲雨東序堆瓊琚偶此真籍

容悠揚兩情攄清詞忽窈窕雅韻何虛祿唱既野芳坵

訓還天籟疎輕波掠翡翠曉露披芙蓉灑曲信寡和末

流難嗣初空持一竿餌有意戲鯨魚近文註云鑄顏杜牧之詩天上洪鑪帝鑄顏

奉和太湖詩二十首

初入太湖

東南具區雄天水合為一高帆大弓滿羿射爭箭疾時

當暑雨後氣象仍鬱密不如開雕筴音奴籠也聳翅忽飛出行

將十洲近坐覺八極溢耳目駭鴻濛精神寒倍栗坑來

斗呀豁涌處驚差萃嶮異一作險若拔龍湫喧如破蛟室斯須  
風安帖若受命平秩激茫識端倪遠嶠疑格音閣筆嶮見  
銅關湖中穹崇  
出首銅關左右皆輔弼盤空儼相趨去勢猶橫逸嘗聞  
咸池氣下注作清質至今涵赤霞尚且浴白日太湖上稟咸池  
五車之氣一水  
五言又云構浮玉宛與崑閬匹肅為靈官家此事難致詰  
太湖乃仙家  
浮王之北堂纔迎沙嶼好指顧俄已失山川互蔽虧魚鳥空聲  
語飛  
反取真乙何當披真檢得召天吳街一問朝宗方應可譚悉

曉次神景宮

曉帆逗碕岸高步入神景灑襟袖清如臨藥珠屏雖  
然群動息此地常寂靜翠鑷有寒鏘碧花無定影馮軒

羽人傲夾戶天獸猛稽首朝元君褰衣就虛省呀空雪  
牙利嗽水石齒冷香母未垂嬰芝田不論頃遙通河漢  
口近撫松桂頂飯薦原本  
作仁白蔬杯醜九光杏人間附塵躅  
固陋真鉗頸肯信林麓傾猶疑夏蟲永系精蕩瓊壘紫  
汞啼金鼎畫出冰霜書期君一披省

入林屋洞

知名十小天林屋當第九人間三十六洞天知名者十耳餘  
二十六天出九微志未行于世題之為左神  
理之以天后林屋洞為左神幽虛之  
天即天后真君之便關魁堆一作  
壘辟邪葦左右專備守自  
非方瞳人不敢窺洞口惟君好奇士復嘯忘情友致一作  
歛  
傘在風林低冠入雲竇中深劇苔井傍坎纔藥臼石角



忽支頰藤根時束肘初為大幽怖漸見微明誘屹若造  
靈封森如達仙藪嘗聞白芝秀狀與琅花偶又生紫泉  
光甘如酌天酒白芝紫泉皆此洞所出芳神  
仙之飲餌非常人所能得何人挹能嚼餌以代漿糗  
却笑探五符徒勞步雙斗真君不可見焚盥空遲久春  
戀玉碣文行、但迴首

雨中遊包山精舍

包山信神仙主者上真職反棲鐘梵侶又是清涼域乃  
知煙霞地絕俗無不得岩開一迳分拍擁深殿黑僧閒  
若圖畫像古非雕刻海客施明珠湘蕤料平爭食有魚皆  
玉尾有烏畫金臆手携鞞鐸法唐言揚技若在中邱國千峯殘

雨過萬籟清且極此時空寂心可以遺智識知君戰未

勝尚倚功名力却下聽經徒生公有孤帆有行色  
聽經石

毛公壇

古有韓終道授之劉先生身如碧鳳皇羽翼披輕、先  
生盛驅後臣伏甲與丁勢可倒五嶽不唯鞭群靈飄飄  
駕翔螭白日朝太清空遺古壇在稠疊煙蘿屏遠懷步  
罡夕列宿森然明四角鎮露獸三層羞羽嬰迴眸盼七  
罔運足馳疎星象外真既感區中道俄成邇來向予祀  
雲嶠空崢嶸石上摘花落石根瑤草青時、白鹿下此  
外無人行我訪岑寂境自言齋戒精如今君安死字君魂

鬼猶羶腥有笑皆綠字有芝皆紫莖相將望瀛島浩蕩  
滄凌溟

三宿神景宮

靈蹤未滿尋不覺豁色暝迴頭問棲所稍下於蘿逕岩  
居更幽絕澗戶相隱映過此即神宮虛堂愜雲性四軒  
盡疎達一榻何清零去聲鬢鬢聞玉笙敲鏗動涼磬風凝  
古松粒露壓脩荷柄萬籟既無聲澄明但心聽希微辨  
真語若授君皇命尺宅按來平華池漱餘淨頻窺宿羽  
麗三吸晨霞盛豈獨冷衣襟便堪遺造請徒深物外趣  
未脫塵中病舉首謝靈峯徜徉事歸榜

以毛公泉獻大諫清河公

先生鍊飛精羽化成翩翩荒壇與古麓隱軫清冷存四  
面麓山骨中心含月魄除非紫水脉即是金沙源香寶  
灑桂藥甘惟漬雲根向來採幽人酌罷祛蒙昏况公珪  
璋質近處諫諍垣又聞虛靜姿早挂冰雪痕君對瑤華  
味重獻蘭薰言當應滌煩暑朗詠暈飛軒我顧得一掬  
攀天叫重闈霏、散為雨用以移焦原

縹緲峯

左右皆跳岑孤峯挺然起因思縹緲稱乃在虛無裏清  
晨躋磴道便是孱顏一作顏始據石即更歇遇泉還徙倚花

竒忽如薦樹曲渾成几樂靜煙靄知忘機猿猴喜頻攀  
峻道斗末造平如砥舉首闕青冥迴眸下眎高帆大  
於鳥廣墀徒且反纔類蟻就此微茫中爭先未嘗已葛洪語  
剛氣去地四千里苟能乘之造止若道路耳吾將自峯  
頂便可朝帝宸盡欲活群生不唯私一已超騎明月餘  
復弄華星藥却下蓬萊巔重窺清淺水身為大塊客自  
號天隨子他日向華陽敲雲問名氏

### 桃花塢

行、問絕境貴與名相親空經桃花塢不見秦時人願  
此為東風吹起枝上春願此作流水清浮藥中塵願此  
為好鳥得棲花際隣願此作幽蝶得隨花下賓朝為照  
花日暮作涵花津試為探花士作此偷挑臣挑源不我  
棄庶可全天真

### 明月灣

昔聞明月觀在建業故臺城祇傷荒野基今逢明月灣不值三五時  
擇此二明月洞庭最看竒連山忽中斷遠樹分毫釐周  
迴二十里一片澄風漪見說秋半夜淨無雲物欺兼之  
星斗藏獨有神仙期初聞鏘鐮跳音積漸調參差空中卓  
羽衛波上停龍螭蹤舞玉煙節高歌碧霜詞清光消不  
動萬象寒呻、此會非俗致無由得旁窺但當乘扁舟

酒甕仍相隨或澈三弄笛或成數聯詩自然瑩心骨何  
用神仙為

練瀆

一云吳王開以練兵  
近文云夫差有水犀軍

越恃君子衆大將壓全吳越有私卒  
羣千人吳將派天澤以練舟師  
徒一鏡止千里支流忽然迂蒼奩束洪波坐似馮夷軀  
戰艦百萬葦浮宮三十餘平川盛丁寧絕島分儲胥鳳  
押半鶴膝錦扛雜肥胡香煙與殺氣浩浩隨風驅彈射  
盡高鳥杯觥醉潛魚山靈恐見鞭水府愁為墟兵利德  
日削反為讎國曆至今鈎鏃殘尚與泥沙俱照此月倍  
苦采茲煙亦孤丁戍尚有淚合灑青楓枯

投龍潭

名山潭洞中自古多秘邃君將接神物聊用申祀事鑿  
金象牙角尺木無不備亦既奉真官因之狗前志持來  
展明誥敬以投嘉瑞鱗光煥水容月色燒山翠吾皇病  
秦漢豈獨探怪異所貴風雨時民皆受其賜良田為巨  
浸污澤成赤地掌職不一行精靈又何寄唯貪血食飽  
但據驪珠睡何必費黃金年一投星使

孤園寺

浮屠從西來事者極梁武巖幽與水曲結構無遺土窮  
山林斲盡竭海珠璣聚况即侍從臣敢愛波煙塢幡條

玉龍扣殿角金虬舞釋子厭樓臺生人露風雨今來四  
百載像設藏雲浦輕鷁亂刷鷗鳴鐘和朝牖庭蕉裂旗  
旆野蔓差纓組石上解空人牕前聽經虎林虛葉如織  
水淨沙堪數徧問得中天歸脩釋迦譜

上真觀

嘗聞昇三清真有上中下官居乘佩服一一自相亞霄  
裙或霞縈侍女忽玉婉坐進金碧腴去馳飈歛駕今來  
上真觀恍若心靈訝祇恐暫神遊又疑新羽化風餘撼  
朱草雲破生瑤榭望極覺波平行虛信煙藉閒開飛鳧  
帙靜倚宿鳳架俗狀既能遺塵冠聊以卸人間方大火  
此境無朱夏松蓋蔭日車泉紳拖天罽窮幽不知淺復  
息芝園含鏘珮引涼姿焚香禮遙夜無情走聲利有志  
依閒暇何處好迎僧希將石樓借

消夏灣

霞島焰難泊雲峯奇未收蕭條千里灣獨自清如秋古  
岸迥新雨高蘿蔭橫流遙風吹蒹葭折處鳴颼、昔予  
守圭竇迨于回祿囚日為籩筒徒渠曲二音  
篲三異名分作祇稠祇刁  
二音離祇刁  
二音  
並草願狎寒水怪不封朱轂侯豈知煙浪涯坐可思重裘  
律若數尺鯉泛然雙白鷗不識號火井孰問名焦丘我  
真真烏家畫室營扁舟遺名復避世消夏還消憂

包山祠

靜境林麓好古祠煙靄濃自非通靈才敢陟群仙峯百  
里波浪脊中堂簫鼓重真君具瓊輦鬢髮來相從清露  
濯巢鳥陰雲生畫龍風飄擗抽香日動旛蓋容將命禮  
且潔所祈年不凶終當以疏聞特用諸侯封

聖姑廟

渺、洞庭水盈、芳嶼神因知古佳處不獨湘夫人沉  
蕪蕩遙吹斜領生輕塵蜀綵霞碎吳綃盤霧勻可憐  
飛燕姿合是乘鸞賓坐想煙雨夕兼知花草春空登油  
壁車窈窕誰相親好贈玉條脫堪携紫綸巾殷勤撥香

池重薦汀洲蘋明朝動蘭楫不翅星河津

太湖石

他山豈無石厥狀皆可薦端然遇良工坐使天質變或  
裁基棟宇礪研成廣殿或剖出溫瑜精光具華瑱或將  
破仇敵百礮資苦戰或用鏡功名萬古如會面今之洞  
庭者一以非此選搓牙真不材反作天下彥所奇者嵌  
空所尚者蔥蒨旁穿參洞穴內竅均環剗刻削九琳惡玲瓏  
五明扇新雕碧霞段旋剖秋天片無力置池塘臨風只流盼

崦裏

山橫路若絕轉攖逢平川川中水木幽高下兼良田溝

陸墮微溜桑柘含疎煙處、倚蠶箔家、下漁筌駸犢  
臥新菽野禽爭折蓮試招搔首翁共語殘陽邊今來九  
州內未得皆恬然賊陣始吉語狂波又凶年吾翁欲何  
道守此常安眠笑我掉頭去蘆中聞刺船予知隱地街  
可以齊真仙終當從之遊庶復全於天

石板

一片倒山屏何時隳洞門屹然空澗中萬古波濤痕我  
意上帝命持來壓原源恐為庚辰官囚怪力所掀又疑  
廣衰次零落潛驚奔不然遭霹靂強半沉無垠如何造  
化首便截秋雲根往事不足問竒蹤安可論吾今病煩

暑據簟常昏

欲從石公乞

石板在石  
公山前

瑩理平如璫前後搯

挂檜東西置琴樽盡携天壤徒浩唱羲皇言

甫里先生集卷之二終

甫里先生集卷之三

五言古

和古於三十韻

衆木盡相遺孤於獨任奇棟天形碑兀當殿勢銜危恐  
 是夸娥怒教臨截薛衰節穿開耳目根癭生熊羆世只  
 論榮落人誰問等衰初危切有巔從日上無葉與秋欺虎搏  
 應難動鵬蹲不敢遲戰鋒新缺麟燒岸黑黓鬣鬪死龍  
 骸雜爭奔鹿角差肢銷洪水腦稜孽梵天着磔索珊瑚  
 湧森嚴獬豸窺向空分犖指衝浪出鯨鬣揚僕船撞在  
 蚩尤毒藪下連金粟固高用鐵菱披挺若苻堅挫浮



于祖納推崢嶸驚露鶴趨趣閱雲螭傍字將技壓撐霄  
欲抵戲背交蟲臂搗相向鶻拳進格音筆差加反猶立階干  
卓未魔鬼神應暗畫風雨恐清後已覺寒松伏偏宜后  
土疲好邀清嘯傲堪映古茅茨材大應容竭年深必厚  
夔後凋佛氏初植必僧彌寺即東晉王家別墅僧款王珉小字擁腫煩莊辯槎牙費  
庾詞詠多靈府因搜苦化摧卑類既區中寡朋當物外  
推蟠挑標日域珠草侍仙墀真宰誠求夢春工幸可醫  
若能嗟嶰竹猶足動華滋

和新秋三十韻

身閒惟愛靜籬外是荒郊地僻憐同巷庭喧厭累巢岼

聲搖舴艋窓影伴蠨蛸徑祇溪禽下關唯野客敲竹兩  
從古凸池緣本來顛早藕檠霜節涼花束紫梢漁情隨  
錘網獵興起鳴驛好夢經年說名方著處抄水疎惟自  
補技養欲誰抓窓靜常懸蕪鞭閒不正鞘山衣輕斧藻  
天籟逸弦匏蕙展風前帶挑烘雨後膠蘚乾粘晚砌煙  
濕動農庖沈約便圖籍揚雄重酒肴目曾窺絕洞耳不  
犯征鏡曆外窮飛翔著中記伏文石林空寂歷雲肆肯  
哢詭挂松何妨蠹龜龍亦任嘲未能丹作髓誰相紫為  
胞莫把榮枯異但平和大小包由弓猿不捷梁圈虎忘虺  
舊友懷三益關山阻二嶠道隨書篋古時共釣輪拋好

作忘機士須為莫送交看君馳諫草憐我臥衡茅出處  
雖冥默薰蕕肯溷散岸沙從鶴印崖蜜勸人蘊白菌盈  
拈拚黃精綠滿背仙因隱居信禪是淨名教勿謂江湖  
水終浮一大泡

奉和江南書情二十韻寄秘閣常校書貽之商  
洛采先輩垂文二同年次韻

我志如魚樂君詞稱鳳銜暫來從露冕何事買雲岩水  
石應容病松篁未聽譏錐香杉蠹膩山藥信苗絨愛鷺  
敬危立思猿矍鑠慚謝才備許眺阮放最憐成大樂寧  
忘岳竒工肯顧城客愁迷舊隱鷹健想秋鳧硯缺猶慵

琢文繁却要芟兩餘幽沼淨霞散遠峯巉洗筆煙成段  
培花土作杖訪僧還覓伴鬢鶴自須監荒廟猶懷李清  
灘幾夢嚴背風開蠹簡衝浪試新帆悶憶年支酒閒裁  
古樣衫釣家隨野舫仙蘊逐雕函度歲睎羸馬先春買  
小賊共疏泉入竹同坐月過杉染翰窮高致懷賢發至  
誠不堪潘子鬢愁促易彭

和憶洞庭觀步十韻次韻

聞君遊靜境雅具更縱竹傘遮雲徑藤鞋踏蘚砒杖  
斑花不一搏大癭成雙水鳥行沙嶼山僧禮石幢已甘  
三秀味誰念百牢脛遠掉技何處殘陽到幾窻仙謠珠

樹曲村餉白玉缸  
地里方吳會人風似  
再厖探幽非遜  
世尋勝肯迷邦  
為讀江南傳何賢  
過二麗

和諫議罷郡叙懷六韻

已報東吳政初捐  
左契歸天應酬苦  
節人不犯寒威江  
上重思借朝端望  
載飢紫泥封夜詔  
金殿賜春衣酒對  
情何遠裁詩思極  
微待升鑄造日江  
海問漁靡

雜諷九首

紅蠶綠枯桑青繭大如甕  
人爭拔力結力其臂弄矢亦不中  
微、待賢祿一一布入夢  
縱操上古言口噤難即貢蛟  
龍在怒水拔取牙角弄丹穴  
如可游家三畜孤鳳凶門

尚兒戲戰血波瀾溶社鬼苟有靈誰能遏秋慟

又

童糜來觸犀德力不相反  
伊無愜心事祇有碎首泣  
況將鵬蟲校數又百與十  
攻如餓鴟叫勢若脫兔急  
斯為朽關鍵怒犖扶以入  
年來橫干戈未見拔城邑  
得非佐饗者齒、待啜汁  
羈維豪傑輩四駭方少繫  
此皆乘時利縱舍在呼吸  
吾欲斧其吭無雷動幽蟄

又

鶻鵠慘于冰陸立懷所適  
斯人道仍悶不得不鳴  
既當時布衣士亦作天子  
客至今東方生滿口自誇  
白終為

萬乘交談笑無所隔致君非有書乃是堯舜畫祇今侯  
門峻日掃貧賤迹朝趨九韶音暮列五鼎食如聞恭儉  
語零、事夕惕可拍伊牧有功名被金石

又

赤舌可燒城讒邪易為伍詩人病之甚敢俾投豺虎長  
風吹窾木始有音韻吐無木亦無風笙簧由喜怒女媧  
鍊五石天缺猶可補當其利口銜鐸漏不復數元精遺  
萬類濩目如牖戶非是既相參重瞳亦為瞽

又

東南有狂兇獵者西北矢利塵日冥、獨此清夜止無

人語其事偶坐窺天紀安得東壁明洪、用墳史搜陽  
好古士一以罄雲水沉堪澆菁英風足去稗說如能出  
竒計坐可平賊壘徐陳羲皇道高駕太平軌攬成特雄  
濯垢為具美貢賢當上賓景福視所履永播南薰音垂  
之萬年耳

又

有藥何青、空城雪霜裏千林盡枯槁苦節獨不死他  
遭正石顧摠入犧黃美遂得保天年私心未為耻高徒  
宿泉怪下亦容螻蟻大厦若掄材亭、託君子

又

左右佩劍者彼此亦相笑趨時與閉門喧寂不同調潛  
機取聲利自許臻乎妙志士以神窺漸寂真可弔天之  
發遐籟大小隨萬竅魁其鑪冶姿形質惟所召戩笙磬  
竽瑟是以登清廟伊聖不吾欺誰能守蓬藿

又

橫笛鳴秋風清商入疏越君居不夜城肯怨孤戌月吳  
兵甚犀利太白光奕兀日已費千金厯一作僅聞侵一撥豈無  
惡年少縱酒遊俠窟募為敢死軍去以集叛卒豈無中  
林士貫穿學問骨兵法五十家浩蕩如溟渤高懸鹿皮  
睡清潤時依樾分已諾煙霞全遺事干謁既非格猛獸  
未可輕華髮北面師其謀幾能止征伐何妨秦董勇又  
有曹劇說堯舜尚狗芻公乎聽無忽

又

朝為壯士歌暮為壯士歌壯士心獨苦傍人謂之何古  
鐵久不快倚天無處磨將來易水上猶足生寒波捷可  
搏飛狐健能超橐駝群兒被堅利索手安馮河驚廳掃  
長林直木謝植科嚴霜凍大澤僵龍不如蛇昔者天血  
碧吾徒安歎嗟

美人

美人抱瑤瑟哀怨彈別鶴雌雄南北飛一旦吳棲託諒

非金石性安得宛如昨生為並蒂花亦有先後落秋林  
對斜日光景自相薄猶欲悟君心朝、佩蘭若

感事

將軍被鮫函祇畏金矢鏃豈知讒箭利一中成赤族古  
來信簧舌巧韻淒鏘曲君聞悅耳音盡日聽不足初因  
起毫髮漸可離骨月所以達賢心求人須任目

素絲

園客麗獨繭詩人吟五纒如何墨子淚反以悲途窮我  
意豈如是願參天地功為綫補君衮為絃繫君桐左右  
脩闕職宮商還古風端然潔白心可與神明通

次幽獨君韻

落日送萬古秋聲含七哀枯株不蕭瑟枝幹虛崔嵬伊  
昔臨大道歌鐘醉高臺高臺今已平祇有春風迴明月  
白草死積陰荒壠摧聖賢亦如此慟絕真悠哉

贈遠

茱萸匣中鏡欲照心還懶本是細腰人別來羅帶緩從  
君出門後不奏雲和管妾思冷如簧時、望君暖心期  
夢中見路永魂夢短恁坐泣西風秋牕月華滿

江墅言懷

病身兼稚子田舍劣相容跡共公鄉絕貧須稼穡供月

方行到閨霜近始來濃樹少棲禽雜村孤守犬重汀洲  
藏晚弋籬落露寒春野弁歌還整家書拆又封杉篁宜  
夕照牖戶憶疎鐘南北惟聞戰縱橫未勝農大春雖苦  
學叔夜本來慵直使貂裘弊猶堪過一冬

自知

命既時相背才非世所容著書糧易絕多病藥難供夢  
為懷山數愁因忌酒濃烏煤呈不一魚囊下仍重晚折  
策兼褐晴擔織帶春著籤分水味標石認田封此地家  
三戶何人祿萬鍾草堂聊當貴金穴任輕農把釣竿初  
冷題詩筆未慵莫憂寒事晚江上少嚴冬

邨夜

江上冬日短徘徊草堂暝鴻當絕塞來客向孤舟病綿  
綿起歸念咽興激詠菊淫月方高橘齋霜已併盤飧  
蔬粟粗史籍籤牌盛月冷松桂閒耳喧兒女競開瓶浮  
蟻綠試筆秋毫勁畫戶亦重關寒屏遞相映詩從騷雅  
得字費鉛黃正遇敵舞蛇予逢談捉犀柄無名升甲乙  
有志扶荀孟守道希昔賢為文通古聖幽憂廢長劍顯  
穎慙清鏡祇會魚鳥情詎知時俗性浮虛多狗勢老懶  
徒歷聘既不務人知空餘樂天命如何在田野家事苦  
遼負耕稼一以激園倉自然罄愁襟風葉亂獨坐燈花

送明發成浩歌誰能少傾聽

世既賦文章歸來事耕稼伊人著農道元倉子有農道篇我亦賦田

舍所悲勞者苦敢用辭為說祇用芻牧言誰妨輕薄罵

嘻今居寵祿各自矜雄霸堂上考華鐘門前好高駕織

洪動絲竹水陸供膾炙小雨靜樓臺微風動蘭麝吹噓

川可倒盼眎花爭姹萬戶膏血窮一筵歌舞價安知勤

播植卒歲無閒暇種以春鷹音初獲從秋隼下專、望種

桂捐、條桑拓日晏腹未充霜繁體猶艱平生守仁義

所疾唯狙詐上誦周孔書沈酒至酣藉豈無致君術堯

舜一作不馳上下豈無活國方頗收齊教化蛟龍乾死雲雨終

不借羿臂束如囚徒勞誇善射才能誦箕斗辯可移嵩

華若與眎輩量飢寒殆相亞長吟倚清瑟孤憤生遙夜

自古有遺賢吾容偏稱謝

紀事蜀本作二音

本作漁釣徒心將遂疎放苦為飢寒累未得恣閒暢去

年十二月身住雲溪上病裏賀豐登雞豚聊饋餉魏哉

卞山雪凝冽不可向瘦骨倍加寒徒為厚繒纈晴來露

青靄千仞缺尋丈臥恐玉華銷時、推枕望雖然榮衛

困亦覺精神王把筆強題詩粗言瓌怪狀吳興鄭太守



文津頗清壯鳳尾與鯨牙紛駁落新唱絃書寄城內唐  
突無以况料峭採蓮船縱橫歎天浪方傾謝公詠忽值

莊生喪鄭員外仁規是年受代俄喪偶默阻徽音臨風但惆悵春歸秋未固

自嬰激恙歲晏一作早弗躬親何由免欺誑今來觀刈穫乃

在松江並音傍原注步浪切門外兩潮過波瀾光蕩漾都緣新卜築

是非皆草創爾後如有年還應愜微一作收尚天高氣候爽

野迴襟懷曠感物動牢愁憤時頻翫只浪切麟子朗切平生樂篇

翰至老安敢忘駿骨正牽益至文終覆醬嗟今多赤舌

見善惟蔽謗村度大焉防涵容寬作量圖書筐篋外關

眼皆賸長餓隸亦勝無薄田家所仰稍離飢寒患學古

真可強聖道庶經營世途多踉蹌近聞天子詔復許私

醞釀趨促使奉酒林呼兒具盃盎宵長擁吟榻日晏開書

幌我醉鄉可還陶然似元亮

孤雁

我生天地間獨作南賓雁哀鳴慕前侶不免飲啄晏雖

蒙小雅詠未脫魚網患矧是婚禮須憂為弋者暮晴鳶

爭上下意氣苦凌慢吾常嚇鴛鴦離爾輩何足訕迴頭語

晴鳶汝食腐鼠慣無異鴛鴦駘群戀短豆阜棧豈知瀟湘

岸葭茨蘋萍間有石形狀奇寒流古來灣閒看麋鹿志

了不受芻豢世所重巾冠何妨野夫州騷人誇蕙芷易

象取陸菟漆園逍遙篇中亦載尺鷃汝惟才性下嗜好  
不可諫身雖慕高翔糞壤長 眇或聞通鬼魅怪崇立  
可辨哲簇書尚存寧容恣妖幻

哲簇周礼秋官司寇下哲簇氏掌覆天鳥之巢若  
鄭不讀為趙文也歷反簇讀為爵族之族謂巢也

南涇漁父一作南溪

予方任疎慵地僻郎所好江流背村落偶往心已繆力報切  
田家相去遠岑寂且縱傲出戶手先筇見人頭未帽南  
涇有漁父往、携稚造問其所以漁對我真蹈道吾初  
籍魚鼈童非至于毫窟穴與生成自然通壺奧致、戒  
吾屬天物不可暴大小參去留候其孳養報終朝獲漁  
利魚亦未嘗耗同覆天地中遺仁辜覆毒予觀為政者

此意諒難到民皆死搜求莫肯與愍悼今年川澤旱前  
歲山源潦牒詐已盈庭聞之類禽噪譬如秦雞驚豈不  
容乳抱孟子譏宋人非其振苗躁吾嘉漁父昔雅叶賢  
哲操儻遇採詩官斯文誠敢告

引泉睦州龍興觀  
老君院作

上嗣位六載吾宗刺桐川予來拜旌戟詔下之明年是  
時春三月繞郭花蟬聯嵐盤百萬髻上挿遺金鈿授以  
道士館置榻于東偏滿院聲碧樹空堂形老仙本性樂  
凝澹及來更虛不焚香禮真像盥手披靈編新定山角  
角烏龍獨巉然除非淨睛目不見蒼崖巔上有擎雲峯

下有噴壑泉泉分數十汊落處皆崢嶸寒聲入爛醉聒  
破西牕眠丈筇起獨尋祇在牆東邊呼童具畚鍤立鑿  
莓苔穿藻滌一派墮練帶橫斜亂石拋落、寒流響  
濺、狂奴七里瀨縮到疎蘊前跳花潑半散漏沫飛旋  
圓勢束三峽挂瀉危孤磴懸曾聞瑤池溜亦灌朱草田  
鳧伯弄翠藻寫雛舞丹煙凌風旋挂拖隔霞馳犀船况  
當不元家嘗著道德篇上善可比水斯文參五千精靈  
若在此肯惡微波溥不擬爭滴瀝還應會淪連出門後  
復一作飛箭合勢浮青天必有學真子鹿冠秋鶴顏如能輔  
予志日使疏其源

秋日遣懷十六韻寄道侶

畫日臨風坐雄詞妙畧兼共知時世薄寧恨歲華淹且  
把靈方試休憑吉夢占夜燃燒汞火朝鍊洗金盞有路  
求真隱無媒舉孝廉自然成嘯傲不是學沈潛水恨同  
心隔霜愁兩鬢霜鶴屏憐掩扇烏帽愛垂檐雅調宜觀  
樂清才稱典籤冠敎不髮少書健紫毫尖故疾因秋召  
塵容畏日黔壯圖須行、儒服謾襜、片石聊當枕橫  
煙欲當簾蠹根延穴蟻疎葉漏庭蟾藥鼎高低鑄雲菴  
早晚苦胡麻如重寄從誚我無厭

甫里先生集卷之三終

甫里先生集卷之四

五言古四

紀夢遊甘露寺

寺在京口北固山上

昔臥嵩高雲，窓正寒夕披裘忽生夢似到空王宅  
 峩天一峯立攔楯橫半壁級倚綠巔差闕臨赤霄闕捫虛  
 陟孤峭不翅千餘尺疊掌陸果愚分明袒肩釋凌香瘖  
 首罷嘹唳高户承北風聲號太波白光中目難  
 送定駭方可觀樹細鴻濛煙島疎零落碧湏臾群籟入  
 空水相噴激積浪亞寒堆呀如闢危石跳首簇鞞鼓濺  
 沫交矛戟鳥疾帆相奔紛々助勃敵思非水靈怒郎是

飢龍孽怯懾不敢前荷襟汗霑霖迴經定僧處泉水光  
相射巖燈雲族栖松柯露華遶道遙得真趨滉迤尋常  
跡山腹貯孤亭嵐根四垂帟誰題雪月句乃是曹劉格  
受樹亭有故  
太尉房公詩聞闕一枝瓊邊樓數聲笛吟高矍然起若自蒼昊  
擲短燭墮餘花圓江挂斜鬼自從神錫境無處不登陟  
忽上南塗山心期豁而獲豈伊煩惱骨合到清涼域暗  
得蝴蝶身幽竒盡相識奈何有名氏未列金閨籍翻慙  
州頂童得奉真如策雲濤觸風望毫管和煙搦聊紀夢  
中遊留之問禪客近文云雲族黃帝  
時雲不待族而興

京口與友生話別

共是悲秋客相逢恨不堪雁頻辭菊北人在尚江南名  
利機初發樵漁事先諳松門穿戴寺荷涇繞秦潭秦潭始皇  
所開也  
繩檢真難束疎慵却易耽枕當高樹穩茶試遠泉甘架  
上經唯一搏前雅祇三風雲勞夢想天地入醺酣曆自  
堯階數書因禹穴探御龍離世祿下馬亦清談國計徒  
盈策家言不滿甌斷簾從燕出敝弁倩人簪木墜涼來  
葉山橫霽後嵐竹牕深罅窠苔洞綠龕奔積行依顏子  
和光則老聃杖誠為虎節披信作鮫函養鷺看窺沼尋  
僧助結菴功名思馬援歌唱咽羊曇乞食羞孤鳳無衣  
羨八蠶繫帆留宿客吟句任羸駝寵鶴空無衛占烏未

見鄴香還須是桂青會出於藍蜀酒時傾滿曹反吳蝦滿

發音切玉封千挺藕霜閉一筒柑惜珮終邀禍辭環好

激貪泉溟雖剛澮成厦必捩拇碧石雕琴薦黃金飾劍

鐔煙綠沙砌引水為藥畦擔博物君能繼多才我尚慙

別離猶得在秋鬢未髮按秦潭即秦淮也

丹陽道中寄友生

煙樹綠微、春沉浸竹扉短策携鞋去孤艇載魚歸海

俗蘆編室村娃練束衣舊栽奴橘老新刈女桑肥錦鯉

衝風擲絲禽掠浪飛短亭幽徑入陳廟數峯圍地廢金

牛陵荒石獸稀思君同一望帆上怨餘暉

寄茅山何道士

終身持玉馬丹訣未應傳况是曾同宿相違便隔年問

顏知更少聽話想踰系古籙文垂露新金汞絕煙蟬供

和餌蜜人寄買溪錢紫燕長巢硯青龜忽上蓮篋藏隱

詔囊佩攝生篇圃暖芝臺秀岩春乳管圓池栖子孫鶴

堂宿弟兄仙幸閱靈書次心期賜一編

江南秋懷寄華陽山人一百韻

擗髮涼天曙含毫故國情歸心一夜極病體九秋輕忽

起襜褕詠因悲絡緯鳴逢山即堪隱何路可圖榮揲策

空占命持竿不釣名忘憂如有待縱嬾似無營小徑纔

分草斜靡劣辨荆吟荷承露葍疎菊臥煙莖譜為聽琴  
閱圖緣看海燈鷺龍浮島白魚尾撒波頰庭橘低攀嗅  
園葵旋折烹餓烏窺食案聞鼠落書棚種豆悲揚憚投  
瓜憶衛旌東林誰處士南郭自先生分野星多蹇連山  
卦少亨衣裾徒博大文籍漫縱橫蘭葉騷人珮尊絲內  
史羹鶻冠難適越羊酪未饒滄倚嘯微抽恨論不好折  
醒拙遲勞鼓篋豪俠愛金羸鍊藥溥丹鼎嘗茶試石甌  
沼連枯葦暗牕對脫梧明未達譏張翰非才嫉禰衡遠  
懷魂易黯幽憤骨堪驚礪缺知矛利磨瑕見壁瑛道源  
疏滴瀝濡肆售精誠敢歎良時擲猶勝亂世櫻相秦猶

幾死王漢尚當黥飲啄期應定窮通勢莫爭髡鉗為皂  
隸談笑得公鄉浴日安知量追風不計程塵埃張耳分  
肝膽季心傾諭蜀專操檄通甌獨請纓匹夫能曲踊萬  
騎可橫行許國輕妻子防邊重戰耕俄分上尊酒驟厭  
五侯鯖靜默供三語從容等一枰弘深司馬法雄傑貳  
師兵朔雪埋烽燧寒笳裂旆旌乘時收句注即日掃攬  
槍武昔威殊俗文今被八絃琮璜陳始畢韶夏教初成  
芽孽群妖滅松筠百度貞郎官青瑣拜使者繡衣迎帝  
道將雲闕澆波漸砥平學徒羞說霸佳士耻為跽負杖  
歌栖畝操觚賦北征才當曹斗怯書比惠車盈謝氏憐

兒女郝家貴舅甥惟荒雅圭宅莫贈景山鎗賢考風流  
遠江湖思緒榮謳啞搖舴艋出沒漾鴟鵂晚樹叅差碧  
竒峯滄迤晴水喧摠紫茆村響啣香杭荷笠漁翁古穿  
籬守犬獐公衫白紵卷田餉綠簪擊地與膏腴錯人多  
富壽并相懽時帖泰獨坐歲崢嶸啣噴蛩吟壁連軒鶴  
舞楹戍風飄疊鼓隣月動哀箏未得文章力何由俸祿  
清和鉛還捐、持斧自丁、驚懼疑凋朽功勤迺屑瓊  
神迎披夕秀盡力取朝英蠹簡開虛篋寒燈立曉檠靜  
翻詞客系閒難史官評天地寧舒慘山川自變更祇能  
分陌惠誰解等殤彭項豈重腫聖夔猶一足整阮高酣

翹藥莊達謝犧牲辭舌無勞話寬心豈可盛但從鑪冶  
鍛莫受罽羅嬰硯撥萍根洗舟衝蓼穗撐短床編翠竹  
低几凭紅控霜信推揚柳煙容裏杜衡行排巢燕、屏  
畫醉猩、嬾搶推嵐影飛泉撼玉琤隴脚尋遠近握梨  
鬪輸羸枝壓離披瓠擔垂礪磊橙忘情及宗柄抱疾過  
劉楨野饋夸菰飯江商賈蔗飭送神抱瓦釜留客上瓷  
觥舉搢揮青劍鳴榔扣遠鉦鳥行沈莽蒼魚隊破泓澄  
手戟非吾事腰鎌且發硎音坑諒難求標上聊欲取錚、幾  
歎虫甘蓼還思鹿美華愁長難自剪歌斷有誰賡未去  
師黃石空能說白珩性湍休激浪言芳罷抽萌地僻琴



樽獨淡寒杖屨清物齊消臆對戈倒共心盟絲曳靈妃  
瑟金涵太子笙幽棲膠竹塢仙慮驛蓬瀛想像珠襦鳳  
追飛翠藻鶯霧簾深香悄雲磬冷敲鏗籙字多階品華  
陽足弟兄梵香凝一室盡日思曾城匿景崦嵒色呀空  
渤澥聲吾當營巨黍東去射長鯨

送宣武從事越中按獄

曉看星使範知欲勅星輶水國難驅傳山城便倚撓衷  
籌先獨立持法稱高標旌旆臨危堞金絲發麗譙別愁  
當翠巘宛望隔風潮水落孤帆迴江寒疊鼓颺客鴻吳  
島盡殘雪剡汀消坐想休秦獄春應到柳條

七言排律

寄懷華陽道士

華陽門外五芝生食罷愁君入杳冥遙夜獨栖還有夢  
昔年相見便忘形為分科斗親鉛槧與說蜉蝣坐竹牕  
醮後幾時歸紫閣別來終日誦黃庭閒教辨藥僮名甲  
靜識窺巢鶴姓丁絕澗飲羊春水膩傍林燒石野煙腥  
深沈谷響含疎磬片段嵐光落畫屏依採古書探禹穴  
自刊新曆闢堯莫珠宮鳳合迎簫史玉籍人誰訪蔡經  
架上黑椽長褐穩案頭丹篆小符靈霓軒入洞齊初月  
羽節升壇拜七星當路獨行衝虎豹向風孤嘯起雷霆

凝神密室多生白  
敘事聯編盡殺青  
巾地山川皆暗寫  
隱天字籟祇閒聽  
分張火力燒金灶  
拂拭苔痕洗酒罍  
翠壁上吟朝復暮  
暖雲邊臥醉還醒  
倚身長短裁筇杖  
清客高低結草亭  
直用森嚴朝北帝  
愛將清淺問東溟  
常思近圃看栽杏  
擬借隣峯採茯苓  
樹半扉晴靄  
背琴殘燭晚熒  
舊來門瓦知王猛  
欲去爲龍歎管寧  
蟾魄幾應臨蕙帳  
漁竿猶尚枕楓汀  
街煙細草無端綠  
冒雨閑花作意馨  
掠岸驚波沈翡翠  
入塘殘照礙蜻蜓  
初征漢棧宜飛檄  
待破燕山好勒銘  
六轡未收千里馬  
一囊空負九秋螢  
我悲雌伏真方枘  
他騁雄材似建瓴  
合在深崖齊散木  
自求滄海點沅萍  
頻拋俗物心還爽  
遠憶幽期月剩暝  
見買扁舟衷真諾  
手披仙語任揚舲

甫里先生集卷之四終

甫里先生集卷之五

五言八句一

螢

肖翹雖振羽  
飛促盡凝冰  
風助流還急  
煙遮點暫凝  
不須輕列宿  
纔可擬孤燈  
莫倚隋家事  
曾頌下詔徵

蟬

祇憑風作使  
全仰柳為都  
一腹清何甚  
雙翎薄更無  
伴貂金換酒  
并雀畫成圖  
恐是千年恨  
偏令落日呼

秋熱

自昔秋捐扇  
今來意未衰  
殷勤付柔握  
浙瀝待清吹  
午

五言八句一

四三

氣朱崖近霄聲白羽隨總如南國候無復婕妤悲

村中晚望

抱杖柴門立江村日易斜雁寒猶憶侶人病更離家短  
髮看成雪隻眸舊有花何須萬里外郎此是天涯

漁具 并序

天隨子獻于海山之類有年矣矢漁之具莫不窮  
極其趣大凡結繩持網者總謂之網吾網吾之流  
曰策曰罾曰巢側交反圓而縱捨曰罟挾而昇降曰罟女戒反  
緝而竿者總謂之筮之流曰筒曰車橫川曰梁承  
虛曰筍編而沈之曰筴音矛而卓之曰楫音舟棘而中

之而叉鏃而綸之曰射扣而駸之曰根以薄板置瓦器上繫之以驅魚

而守之曰神鯉魚滿三百六十歲蛟龍輒率而飛去年置一神守之則不能去矣神鼈也列竹于海澨曰滄

吳之滄瀆是也錯薪于水中曰簦簦所載之舟曰舩舩所貯之器

曰筮筍其他或術以招之或藥而盡之皆出于詩

書雜傳及今之聞見可考而驗之不誣也今擇其

任詠者作十五題以諷噫矢魚之具也如此予既

歌之矣矢民之具也如波誰其嗣之鹿門子有高

澆之才必為我同作

網

大罟網日繁空江波浪黑沈、到波底恰共波同色牽

時萬鬢入已有千鈞力尚悔不橫流恐他人更得

罩

左手揭圓尺輕撓弄舟子不知潛鱗處但去籠煙水時  
穿紫屏一作破忽值朱衣起松江有朱衣鮓貴得不貴名敢論魴與鯉

肉

有意烹小鮮乘流駐孤棹雖然煩取捨未肯求津要多  
為蝦蜆誤已分鵠鷓笑寄語龍伯人荒唐不同調

釣筒

短、截筠光悠、臥江色蓬差艣相應雨慢煙交織須  
史中芳餌迅疾如飛翼波竭我還浮君看不爭得

釣車

溪上持竿輪溪邊指茅屋閑乘風水便敢議朱丹較高  
多倚衡懼下有折軸速局若載逍遙歸來臥雲族

魚梁

能編似雲薄橫絕青川口缺處欲隨波、中先置筍投  
身入籠檻自古難飛走盡日水濱吟殷勤謝漁叟

叉魚

春溪正含綠良夜才參半持矛若羽輕列燭如星爛傷  
鱗跳密藻碎首沉邊岸盡族染東流傍人作佳翫

射魚

鸞弓注碧潯掉尾行涼沁青楓下晚照正在澄明裏  
擘弦斷荷扇濺血殷菱藥若使禽荒聞移之暴煙水

鳴去

水淺藻荇澁釣罩無所反鏗如木鐸音勢若金鉦急敲  
之就深處用以資俯拾搜羅爾甚微遁去將何入

滄吳人今謂之蕪

萬植禦洪波森然倒林薄千顧咽雲上過半隨潮落其  
間風信背更值雷聲惡天道亦哀多吾將殺海若

蕪吳人今謂之蕪

斬木置水中枝條互相蔽寒魚遂家此自以為生計春

冰忽融冶盡取無遺裔所託成禍機臨川一凝睇

種魚

鑿池收頰鱗疎、置雲嶼還同汗漫造遂以江湖處如

非一神守潛被蛟龍乃蛟龍若無道跋鼈亦能禦

藥魚

香餌綴金鈎月中懸者幾盈川是毒流細大同時死不  
惟空飼犬便可將貽蟻苟負竭澤心其他盡如此

舴艋

蓬掉兩三事天然相與閒朝隨稚子去暮唱菱歌還倚  
石遲後侶徐橈供遠山君看萬斛載沈溺須臾間

筌箬

誰謂筌箬小我謂筌箬長  
魚自足食寔壁能為害時  
將刷蘋浪又取懸藤帶不反腰上金何勞問著蔡

和添漁具五篇

漁菴

結茅次煙水用以資嘯傲豈謂釣家流忽同禪室號閒  
憑山叟占晚有溪禽嫠屋莫相非各隨吾所好

釣磯

揀得白雲根秋潮未曾沒坡陀坐龜背散漫垂龍髮持  
竿從掩霧置酒待月即此放神情何勞適吳越復

蓑衣

山前度激熱不廢小澗魚上有青稜襖有下新晒疎滴  
瀝珠影泫離披嵐影虛君看荷製者不得安吾廬

箬笠

朝携下楓浦晚戴出烟艇冒雪或平擔聽泉時及頂颺  
移靄然色波亂危如影不識九衢塵終年居下洞

背蓬

敏手試江筠隨身織煙殼沙禽固不知釣伴猶初覺閒  
從翠微拂靜唱滄浪濯見說萬山潭漁童盡能學

樵人十咏

并序

環中先生謂天隨子曰子與門子應和為漁具  
詩信盡其道而美矣世言樵漁者必聯其命稱且  
常與隱君子事詩之言籍薪禮之言負薪傳之言  
積薪史之言吏薪非樵者之實乎不可足以寄興  
詠獨闕其詞耶退作十樵以補其闕漏寄鹿門子  
樵谿

山高谿且深蒼、但群木抽條欲千尺衆亦疑撲撒一  
朝剪伐萬古辭林麓若遇燎不穹微煙出雲族蒙

樵家

草木黃落時比隣見相喜門當看澗盡屋在寒雲裏山

棚日纔下野灶煙初起所謂順天民唐堯亦如此

樵叟

自小郎胼胝至今凋鬢髮所圖山褐厚所受山爐熱不  
知冠蓋好但信煙霞活富貴如疾顛吾從老岩穴

樵子

生在蒼崖邊能詣白雲養去声山家謂  
養柴地為養纔穿遠林去已在孤峯  
上薪和野花束步帶山詞唱日暮不歸來柴扉有人望

樵逕

石脉青靄間行、自幽絕方愁山嶠繞更值雲遮截爭  
推好林浪共約歸時節不似名利途相期覆車轍



樵斧

泮礪秋水清携持遠山曙丁、在前澗杳、無尋處巢  
傾鳥猶在樹盡猿方去投鉞者何人吾今易其慮

樵塘

輕無斗儲價重則筋力絕欲下半岩時憂襟兩如結風  
高勢還却雪厚疑中折負荷誠獨難移之贈來哲

樵風

近文云山陰湖中有鄭公風即當日鄭弘遇仙事亦樵風之法話也

朝隨早潮去暮帶殘陽返向背得清飈相追無遠近採  
山一何遲服道常苦蹇仙術信能為年華未將晚

樵火

積雪抱松塢蠹根燃草堂深爐與遠燒此夜乃交光或  
似坐竒獸或如焚異香堪嗟宦遊子凍死道路傍

樵歌

縱調為野吟徐、下雲磴因知負樵樂不減援琴興出  
林方自轉隔水猶相應但取天壤情何求郢人稱

和酒中十詠

酒星

萬古醇耐氣結而成晶瑩降為醴阮徒動與樽罍并不  
獨祭天廟亦應邀客星何當八月槎載我遊青冥

酒泉

初懸碧崖口漸注青溪腹味既敵中山飲寧拘一斛春  
疑浸花骨暮若酣雲族此地得封侯終身持美祿

酒筍

山齋醞方熟野童編近成持來歡伯內坐使賢人清不  
待盎中滿旋供花下傾汪、日可挹未羨黃金籬

酒狀

六尺樣何竒溪邊濯何潔槽深貯方半石重流還咽閑  
移秋病可偶聽寒夢缺往、枕眠時自疑陶靖節

酒壚

錦里多佳人當壚自沽酒高低過及沾大小隨圓甌數

錢紅燭下滌器春江口若得奉君歡十千求一斗

酒樓

百尺江上起東風吹酒香行人落帆上遠樹涵殘陽凝  
睇復凝睇一觴還一觴須知凭攔客不醉難為腸

酒旗

搖、倚青岸遠蕩遊人思風敲翠竹扛雨澹香醪字繞  
來隔煙見已覺臨江遲大旆非不榮其如有王事

酒樽

黃金郎為後白石又太拙斷得竒樹根中如老蛟穴時  
招山下叟共酌林間月盡醉兩忘言誰能作天舌

酒城

何代驅生靈築之為釀地殊無甲兵守但有糟漿氣雉  
堞圯如狂女墻低似醉心若據而爭先登儀狄氏

酒鄉

誰知此中路暗出虛無際廣莫是隣封華胥為附麗三  
杯聞古樂伯雅逢遺裔自爾等榮枯何勞問予弟

甫里先生集卷之五終

甫里先生集卷之六

五言八句二

添酒中六味

并序

鹿門子示予酒中十味物古而詞麗旨高而性真  
可謂窮天人之際矣予既和而且曰昔人之於酒  
有注為池而飲之者象為龍而吐之者親盜甕間  
而臥者將實舟中而浮者可為四荒矣徐景山有  
酒鎗嵒叔夜有酒杯皆傳于後代可謂二高矣四  
荒不得不刺二高不得不頌更作六章附于末云

酒池

五言八句二

萬斛輸曲沼千鍾未為多  
殘霞入醜齊遠岸澄白鬱  
后土亦沉醉姦臣空浩歎  
邇來荒淫君尚得乘餘波

酒龍

銅雀羽儀麗金龍光彩奇  
潛傾鄴宮酒忽似商庭聚  
若怒鱗甲赤如酣頭角垂  
君臣坐相滅安用驕奢為

酒甕

候煖麴蘖請覆深苦蓋淨  
溢處每淋漓沈來還溺滯  
嘗聞清涼耐可養希夷性  
盜飲以為名得非君子病

酒船

昔人性何誕欲載無窮酒  
波上任浮身風來即開口  
荒

唐意難遂沈酒名不朽  
千古如比肩問君能繼否

酒鎗

景山實名士所翫垂清塵  
嘗作酒家語自言中聖人  
奇器質含古挫糟味應醇  
唯懷魏公子即此飛觴頻

酒杯

叔夜激天壤不將梨酒疎  
製為酒中物恐是琴之餘  
一弄廣陵散又裁絕交書  
頽然擲林下身世俱何如

和茶具十咏

案新唐書云龜蒙嗜茶  
置園顧渚山下

茶塢

茗地曲隈回野行多繚繞  
向陽就中密背澗差還少  
遙

盤雲髻慢亂簇香篝小何處好幽期滿巖春露曉

茶人

天賦識靈草自然鍾野姿閒來北山下似與東風期雨  
後採芳去雲間幽路危惟應報春鳥得共斯人知顏渚山有報春鳥按

顏渚山茶記云山有鳥如鴝鵒色蒼正月作聲春起也三月作聲春去也採茶人呼為報春鳥

茶筍

所孕和氣深時抽玉筍短輕煙漸結華嫩蘂初成管尋  
來青靄曙欲去紅雲暖秀色自難逢傾筐不魯滿

茶籬

金刀劈翠筠織似波紋斜製作自野老携持伴山娃昨

日闌煙粒今朝貯綠華爭歌調笑曲日暮方還家

茶舍

旋取山上村架為山下屋門因水勢斜壁任岩隈曲朝  
隨鳥俱散暮與雲同宿不憚採掇勞祇憂官未足

茶竈

經云茶灶無愛

無愛抱輕嵐有煙映初旭盈鍋玉泉沸滿甌雲牙熟奇  
香襲春桂嫩色凌秋菊煬者若吾徒年々看不足

茶焙

左右擣凝膏朝昏布煙縷方圓隨樣拍次第依層取山  
謠縱高下火候還文武見說焙前人時々炙花脯紫花焙人以花為脯

茶鼎

新泉氣味良古鐵形狀邈那堪風雪夜更值煙霞友曾

道顏石下又住清溪口

顏石清溪皆  
江南出茶處

且共薦臯盧茶名何勞傾斗酒

茶甌

昔人謝垢垺徒為妍詞飾

劉孝威有集  
謝垢垺啟

豈如珪璧姿又有煙嵐

色光參筠席上韻雅金壘側直使于闐君從來未嘗識

煮茶

閒來松間坐看煮松上雪時于浪花裏併下藍英未傾

餘精爽健忽似氛埃滅不合別觀書但宜窺玉札

四明山詩

并序

謝遺塵者有道之士也嘗隱于四明之南雷一旦

訪予來語不及世務且曰吾得于玉泉生知子性

誕逸樂神仙中書探海嶽遺事以期方外之交雖

銅墻鬼歔虎獄劍餌無不窺也

子語吾山之奇者有峰最高四穴在峰上每天地

澄霽望之如牖戶相傳謂之石牕即四明之目也

山中有雲不絕者二十里民皆家雲之南北每相

從謂之過雲有鹿亭有樊榭有潺湲洞水有青

檣子味極甘而堅不可卒破有猿山家謂之鞠侯

其他在圖籍不足道也凡此佳處各為我賦詩予

因作九題、四十字謝省之曰玉泉生真不誣矣  
好事者為予傳之因呈襲美

石牕

石窓何處見萬仞倚晴虛積霤迷青瑣殘霞動綺疏山  
應列圓嶠宮便接方諸祇有三奔客時來教隱書

過雲

相訪一程雲、深路僅分嘯臺隨日辯樵斧帶風聞曉  
著衣全濕寒衝酒不釀幾回歸思靜髣髴見蘋君

雲南

雲南更有滇丹礫盡無泥藥有巴賓賣技多越鳥啼夜

清先月午秋近少嵐迷若得山顏住芝蓋手自携

雲北

雲北是陽川人家洞壑連壇當星斗下樓按翠微邊一  
半遙風雨三條古井煙金庭如有路應到左神天

鹿亭

鹿亭岩下坐時領白麈過草細眠應久泉香飲自多認  
聲來月塢尋跡到煙蘿早晚吞金液騎上絳河將

樊榭

樊榭何年築人應白日飛至今山客說時駕玉鱗歸乳  
蒂懸松嫩芝臺出石微憑欄虛月斷不見羽華衣

潺湲洞

石淺洞門深潺湲萬古音似吹篳羽管如奏落霞琴倒  
仄漂龍沫穿松澗鶴襟何人乘月弄應作上清吟

青標子

山實號青標環岡次第生外形堅綠殼中味敵瓊英墮  
石樵兒拾敲林宿鳥驚亦應仙吏守時取薦層城

鞠侯

何事鞠侯名先封在四明但為連臂飲不作斷腸聲野  
蔓垂纓細寒泉佩玉清滿林遊宦子誰為作君鄉

和五既詩

五瀾舟

樣自桐川得詞因隱地成好漁翁亦喜新白鳥還驚沙  
際擁江沫渡頭橫雨聲尚應嫌越相遺禍不遺名

華頂杖

萬古陰崖雪靈根不為枯瘦于霜鶴脰奇似黑龍鬚拄  
訪譚孛容持看潑墨圖湖雲如有路兼可到仙都

太湖硯

誰截小秋灘閒窺四緒寬繞為千嶂遠深置一潭寒坐  
久雲應出詩成墨未乾不知新博物何處擬重刊

烏龍養和



養和名字好偏寄道情深所以親逋客兼能助五禽倚  
有滄海望鈎膝白雲吟不是逍遙侶誰知世外心

訶陵樽

魚酪匠成樽猶殘海浪痕外堪欺玳瑁中可酌崑崙酒名  
繞苔磯曲山當草閣門此中醒復醉何必問乾坤

訓早春病中書事

祇貪詩調苦不計病容生我亦休文瘦君能叔寶清藥  
須勤一服春莫累多情欲入毗耶問無人啟淨名

又訓次韻

從來多遠思尤向靜中生所以念心苦還應是骨清酒

香偏入夢花落又關情積此風流事爭無後世名

訓秋晚見題二首

為愛晚窓明門前亦懶行圖書看得熟隣里見還生烏  
啄琴材響僧傳藥味精緣君多古思携手上空城

其二

何事樂漁樵巾車或倚撓和詩盈古篋賸酒半寒瓢失  
兩園蔬赤無風艸葉凋清言一相遣吾道未全消

別離

丈夫非無淚不灑離別間伏劍對樽酒耻為遊子顏腹  
地一螿手壯士疾解腕所思在功名離別何足嘆

和初冬章上人院

每伴來方丈還如到四禪  
菊承荒砌露茶待遠山泉  
畫古全無跡林寒却有煙  
相看吟未竟金磬已泠然

襲美題郊居十首次韻

近來惟樂靜移傍故城居  
閒打脩琴料時封謝藥書  
夜停江上鳥晴曉篋中魚  
出亦圖何事無勞置棧車

其二

倩人醫病樹看僕補衡茅  
散髮還同阮無心敢慕巢  
簡便書露竹樽待破霜飽  
日好林間坐煙蘿近欲交

其三

倭僧留海紙山匠製雲牀  
嬾外真無敵貧中直是王  
池平鷗思喜花盡蝶忙欲  
問新秋計菱絲一畝強

情

其四

故山空有擲當路竟誰知  
祇有經時策全無養拙資  
病深憐久客炊晚信樵兒  
謾欲陳風俗周官未採詩

其五

福地能容整不闕詎有扉  
靜思瓊板字閒洗鐵筇衣  
鳥破涼煙下人衝暮雨歸  
故園秋草夢猶記綠微

其六

水影沉魚器隣聲動締車  
燕輕捎墜葉蜂懶臥  
蕉花說

史評諸例論兵到百家明時如不用歸去種桑麻

其七

禹穴竒編缺雷平異境殘靜吟封籙檢歸興削帆竿白  
石堪為飯青蘿好作冠幾時當斗柄同上步罡壇

其八

強起披衣坐塗行處暑天上墜來鬪雀移樹去驚蟬莫  
問益車駿誰看醬甌牙黃金如可化相近買雲泉

其九

野入青蕪巷波晨白竹門風高開栗刺沙淺露芹根迸  
鼠緣藤折飢鳥立石盆東吳雖不改誰是武王孫

其十

疎慵真有素時勢盡無能風月雖為敵林泉幸未憎酒  
材經夏闕詩債待秋徵祇有君同癖閒來對曲肱

和旅泊吳門韻

高秋能叩觸天籟忽成文苦調雖清倚靈音自絕群茅  
峯曾醮斗笠澤久眠雲許伴山中躅三年任一醺

次張廣文見酬和詩韻

獨倚秋光岸風漪學簞文不堪教鳳集書好換鷺群葉  
墮平臺月香消古徑雲強歌非白紵聊以送餘醺

延陵張宰

春盡未離閑之官亦似閒不嫌請薄俸為喜帶名山默  
禱三真後高吟十字還季子有仲尼所書十字碑祇應江上鳥時下訟庭間

送人罷官歸茅山

呼童晚拂鞍歸上大茅端薄俸雖休入明霞自足餐暗  
霜松粒赤疎雨草堂寒又鑿中峯石重脩醮月壇

甫里先生集卷之六終

甫里先生集卷之七

五言絕句一

人日代客子

是日立春

人日兼春日長懷復短懷遙知雙綵勝併在一金釵

築城詞二首

城上一杯土手中千萬杵築城畏不堅、城在何處

又

莫嘆將軍逼將軍要却敵城高功亦高爾命何勞惜

古意

君心莫淡薄妾意正栖託願得雙車輪一夜生四角

追和幽獨君詩韻

靈氣獨不死尚能成綺文如何孤定裏猶自讀三墳

春曉

春庭晚景列清露花灑迤黃蜂一過慵夜、棲香蕊

雜興

挑柰傍檐楹無人賞春華時情重不見却憶菖蒲花

雁

南北路何長中間萬弋張不知烟霧裏幾隻到衡陽

寄遠

鬢亂羞雲卷眉空羨月生中原猶將、何日重鄉、

庭前

合歡能解恚萱草信忘憂畫向庭前種萋、特地愁

洞房怨

玉掉朝扶髻金擘晚下臺春衫將別淚一夜兩難裁

江行

酒旗菰葉外樓影浪花中醉帆張數幅惟待鯉魚風

巫峽

巫峽七百里巫山十二重年、自雲雨環珮竟誰逢

歸路

漸入新豐路衰紅映小橋渾如七年病初得一丸銷

南塘曲

妾住東湖下郎君南浦邊  
閒臨煙水望認得采菱船

黃金二首

自古黃金貴猶沽駿與才  
近來簪珥重無復上高臺

又

平分從滿篋醉擲任成堆  
恰莫持千萬明、買禍胎

夕陽

渡口和帆落城邊帶角收  
如何茂陵客江上倚危樓

殘雪

挂冷微停素峯乾不滴嵐  
何谿背林處猶覆定僧菴

古意

古態日漸薄新粧心更勞  
城中皆一尺非妾髻鬟高

大堤

大堤春日暮驄馬解鏤衢  
請君留上客容妾薦彫胡

金陵道

北雁行、直東流澹、春當時  
六朝客還道帝鄉人

離騷

天問復招菟無因徹帝閣  
豈知千麗句不敵一讒言

對酒

後代稱歡伯前賢號聖人  
且須謀日富不要道家貧

寄南岳客乞靈蕪香

聞說融峯下靈香似返魂春來正堪采試為斲雲根

山陽燕中郊樂錄

淮上能無雨回頭總是清蒲帆渾未織爭得一歡成

偶作

脩眉初出鬢兩鬢正藏鴉自有王昌在何勞近采家

有示

相對莫辭負蓬蒿任塞門無情是金玉不報主人恩

秋思三首

桐露珪初落蘭風珮欲衰不知能賦客何似托刀兒

又

誰在嫖姚幕能教霹靂車至今思禿尾無以代寒蕤

又

未得同葢并何時減藥囊莫言天帝醉秦暴不靈長

早春

雨冷惟添暑煙初不着春數枝花類小愁殺扈芳人

懷仙三首

聞道陽都女連娟耳細長自非黃犢客不得到雲房

又

但服鑲剛子兼吟曲素詞須知漢臣客還見布龍兒

又

神燭光華麗靈祛羽翼生已傳粒玉粒猶自買雲英  
芙蓉

閒吟鮑照賦更起屈平愁莫引西風動紅衣不耐秋

春思

怨鶯新語澀雙蝶鬪飛高作箇名春恨浮生百倍勞

風人詩四首

十萬全師出遙知正憶君一心如瑞麥長作兩岐分

其二

破藥供朝爨須憐是苦辛曉天窺落宿誰識獨醒人

其三

旦日思雙屨明時願早諧丹青傳四瀆難寫是秋懷

其四

聞道更新懺多應廢舊旗征衣無伴擣獨處自然悲

樂府雜詠六首

雙吹管

長短截浮筠參差作飛鳳高樓微月夜吹江南弄

東飛鳧

裁得尺錦書欲寄東飛鳧脰短翅亦短雌雄戀菰蒲

花成子



春風等君意亦解欺桃李寫得去時真歸來不相似

月成弦

孤光照還沒轉益傷離別妾若是婦娥長圓不教缺

孤獨怨

前回邊使至聞道交河戰生想鼓鼙聲寸心攢百箭

金吾子

嫁得金吾子嘗聞輕薄名君心如不重妾腰徒自輕

子夜四時歌

春

山連翠羽屏草接煙華席望盡南飛燕佳人斷消息

夏

蘭眼擡路斜鶯唇映花老金龍傾漏盡玉井敲冰早

秋

涼漢清沃寥衰林怨風雨愁聽絡緯唱似與羈魂語

冬

南雲走冷圭北籟號空木年々任霜霰不減篔簹綠

大子夜歌二首

歌謠數百種子夜最可憐慷慨吐清音明轉出天然

其二

絲竹發歌響假器揚清音不知歌謠妙聲勢出口心

子夜警歌二首

鏤梳傳綠酒，離鑪薰紫煙。誰知苦寒調，共作白雲絃。

其二

恃愛如欲進，含羞出不前。朱口發艷歌，玉指弄嬌絃。

子夜變歌三首

人傳歡負情，我自未嘗見。三更開門去，始知子夜變。

其二

歲月如流邁，春盡秋已至。熒熒條上花，零落何乃駛。

其三

歲月如流邁，行已及素秋。蟋蟀吟堂前，惆悵使懷愁。

江南曲五首

魚戲蓮葉間，參差隱葉扇。鸕鶿鸕鶿，窺激灑無因見。

其二

魚戲蓮葉東，初霞射紅尾。傍臨謝山側，恰值清風起。

其三

魚戲蓮葉西，盤盤舞波急。潛依曲岸涼，正對斜光入。

其四

魚戲蓮葉南，歌危午煙疊。光搖越鳥巢，影亂吳娃楫。

其五

魚戲蓮葉北，澄陽動激漣。四看帝子渚，稍背鄂君船。





獨夜

新秋霽夜有清境。窮瘡病客無佳期。生公把經向石說。而我對月須人為。獨行獨坐亦獨酌。獨翫獨吟還獨悲。古稱獨立與獨步。若比群居終較奇。

寄吳融

字子華

一夜秋聲入井桐。數枝危綠怕西風。霏、晚砌煙華上。浙、疎簾雨氣通。君整輪蹄名未了。我依琴鶴病相攻。到頭江畔從漁事。織作中流萬尺筇。

中秋待月

轉缺霜輪上轉遲。好風偏似送佳期。簾斜樹隔情無限。燭暗香殘坐不辭。最愛笙調聞北里。漸看星淡失南箕。何人為校清涼力。未似初圓欲午時。

重憶白菊

蜀本作  
兩絕

花憐貞白重寒芳。前後叢生夾小堂。月朶暮開無絕艷。風莖時動有奇香。何慙謝雪清才詠。不羨劉梅貴主粧。

更憶幽牕凝一夢。夜來却落有微霜。

別墅懷歸

水國初冬和暖天。南榮方好背陽眠。題詩朝憶復暮憶。見月上弦還下弦。遙為晚花吟白菊。近炊香稻識紅蓮。何人授我黃金百。買取蕪君負郭田。

寄淮南鄭寶書記

記室十年翰墨孤。惟君才學似應徐。五丁驅得神功盡。二酉搜來秘檢疎。揚帝帆檣留澤國。淮王牋奏入班書。清詞醉無因見。但釣寒江半尺鱸。草

小雪後書事

時候頻過小雪天。江南寒色未曾偏。楓汀尚憶逢人別。麥隴唯憑欠雉眠。更擬結茅臨水次。偶行因藥到邨前。隣翁意緒相安穩。多說明年是稔年。

寒夜同襲美訪寂上人

月樓風殿靜沉沉。披拂霜華訪道林。鳥在寒枝棲影動。人依古堞坐禪深。明時尚阻青雲步。半夜猶自追石吟。自是海邊鷗伴侶。不勞金偈更降心。

和江南道中懷茅山廣文南陽博士三首

一片輕帆背夕陽。望三峯拜七真堂。天寒夜漱雲牙淨。雪壞晴梳石髮香。自拂煙

補註上元寶經云太極真人服四極雲牙注云雲牙雲根皆石也

補註風土記曰石髮苔也

霞安筆格。獨開封檢試砂牀。

補註倦遊錄云辰州有朱砂處即有小龕中若石床上方生砂大者如芙蓉床重七八斤價十萬

莫言洞府能招隱。會輾臙輪見玉皇。

補註神仙傳云平圃間花環以弱水九重非臙車羽輪不可到

又

壺中行坐可携天。何況林間息萬緣。組綬任垂三品石。

珮環從落四公泉。丹臺已運陰陽火。碧簡須雕次第仙。

廣文王季猶在場中

想得雷平春色動。五芝煙甲又芊綿。

又

良常應不動。移文金醴從酸亦自醺。

蓬萊公洛廣休以金醴四并待主簿主簿恨其味酸挂父

舊歌飛絳雪。桐孫新韻倚平雲。春臨柳谷鶯先覺。曙蘸

蕪香鶴共聞。珍重雙玉條。脫盡憑三島。寄羊君。

早春雪中作吳體寄襲美

迎春避臘不肯下。欺花凍草還飄然。光填馬窟蓋塞外。

勢壓鶴巢偏殿巔。山爐癭節萬狀火。墨愛乾衰孤穗煙。

君披鶴氅獨自立。何人解道真神仙。

和吳中言情見寄韻

菰煙蘆雪是懷鄉。釣線隨身好坐忘。徒愛右軍遺點畫。

閒披左氏得膏肓。無因月殿聞移屐。祇聽風汀去採香。

莫問江邊漁艇子。玉皇看賜羽衣裳。

和揚州看辛夸花韻

柳疎梅墮少春叢。天遣花神別致功。高處朶拈難避日。

動時枝弱易為風，堪將亂藥添雲肆。若得千楸便雪宮，  
不待群芳應有意。等閒挑雪即爭紅。

其 和行次野梅韻

飛掉參差拂早梅，強欺寒色尚低徊。風憐薄媚留香與，  
月會深情借艷開。梁殿得非蕭帝瑞，齊宮應是玉兒媒。  
近文云東昏侯 潘妃名玉兒 不知謝客離腸醒，臨水剛添萬恨來。

和暇日獨處見寄

謝殷存樓少暇時，又拋清宴入書帷。三千餘歲上下古，  
八十一家文字奇。  
司馬遷書下紀三千餘歲 太平有八十一家率多奇字 冷夢漢臯懷鹿隱，靜憐  
煙島覺鴻離。知君滿篋前朝事，鳳諾龍奴借與窺。

和襲美見訪不遇

為愁煙岸老神囂，扶病呼兒斲翠苔。祇道府中持簡牘，  
不知林下訪漁樵。花盤小墩晴初壓，葉擁疎籬凍未燒。  
倚杖徧吟春照午，一池水段幾多消。

訓襲美見寄海蟹

藥杯應阻蟹螯香，却乞江邊採捕郎。自是揚雄知郭索，  
太平經云 且非何須敢 鉉 何須後子食味稍欲云 其甚者猶有鮑腊糟蟹 骨清猶似含春霽，  
沫白還疑帶海霜。強作南朝風雅客，夜來偷醉早梅傍。

和開元寺客省早景即事韻

日上果恩疊影紅，一聲清梵萬緣空。禪裊滿地貝多雪，料



峭入樓于闐風水榭初抽沃寒思竹窓猶挂夢魂中靈香  
散盡禪家接誰共殷源小品同

辨正論亦有九流一曰禪家者流殷浩讀小  
品經下二百籤疑義以問支道林

獨夜有懷因作吳體寄襲美

人吟側景抱凍竹鶴夢缺月沈枯梧清澗無波鹿無鬼  
白雲無根虬有鬚雲虬澗鹿真逸調刀名錐利非良圖  
不然快作燕市飲笑無肉拚音眠酒壚

。闔閭城北有賣花翁討春之士注、造焉因招襲美

故城邊有賣花翁水曲舟輕去盡通十畝芳菲為舊業  
一家煙雨是元功閒添藥品年、別笑指生涯樹、紅  
若要見春歸處所不道携手問東風

和襲美病中海石榴花盛陰見寄韻

紫府真人餉露囊猗蘭燈燭未熒煌丹華乞曙先侵日  
金焰欺寒却照霜誰與佳名從海曲祇應芳裔出河陽  
那堪謝氏庭前見一段清香染却郎

襲美以春橘見惠次韻酬謝

到春猶作九秋鮮應是親封白帝煙良玉有漿酒讓味  
明珠無類亦羞圓堪居漢苑霜梨上合鼎仙家火棗前  
珍重更過三十子不堪分付美人邊

王僧辯嘗為荆南守橘一  
蒂三十子以獻梁元帝

和襲美病中書情寄崔諫議韻

或偃虛齋或在公藹然林下昔賢風庭前有蝶爭煙蘂

簾外無人報水筒行藥不離深幌底時患眼疾寄書多向遠山  
中西園夜燭偏堪憶曾為題詩刻半紅

訓病中見寄

逢花逢月便相招忽臥雲航隔野橋春恨與誰同醅酌  
豈言何處問逍遙題詩石上空迴筆拾蕙汀邊獨倚撓  
早晚却還岩下電襲美時有眼疾共尋芳徑結煙條

和襲美病中孔雀

懶移金翠上檐楹斜倚芳叢舊態生惟奈瘴煙籠飲啄  
可堪春雨帶飛鳴鴛鴦水畔迴頭羨豈惹圖前舉眼驚  
爭得鷓鴣來伴着不妨還校有心情

上元日道室焚脩寄襲美

三清今日聚靈宮玉抽齊抽謁廣寒執蓋冒花香寂歷  
侍晨交珮響闌珊執蓋侍晨皆仙之貴侶矣將鳳排節分階易欲拔龍書  
下筆難惟有世塵中小兆夜來心拜七星壇

正月十五日惜春寄襲美

六分春色一分休滿眼東波盡是愁花正礙寒應束手  
酒龍多病尚垂頭無窮懶情齊中散有底機謀敵右侯  
見此短篷裁小檝擘煙閒弄箇漁舟

次襲美病中見寄

日華風蕙正交光羯末相携藉草堂羯謝平小字未謝川小字佳酒旋傾酌

醜嫩短船閒弄水蘭香煙絲鳥拂來縈帶藥搯人收去  
約簧今日好為聯句會不成剛為欠擅郎

春雨即事寄襲美

小謝輕埃日、飛小謝咏雨詩有散漫似輕埃句城邊江上阻春暉雖愁野岸  
花房凍還得山家藥笋肥雙屐着頻看齒折敗裘披苦  
見毛稀比隣釣叟無塵事澆笠鳴簷夜半歸

和襲美見寄韻

雖失春城醉上期下帷裁漏未裁詩因吟郢岸百畝蕙  
欲採高崖三秀芝接野鶴籠寬使織施山僧飯別教炊  
但醫沈約重腫健不怕江花不滿枝

偶掇野蔬寄襲美

野園煙裏自幽尋嫩甲香蕤引漸深行歌每依鷓舅影  
頻挑時見鼠姑心凌風藹彩初携籠帶露虛章音且襟  
欲助春盤還受否不妨瀟灑似家林

和襲美臥疾感春見寄韻

共尋花思極飛騰病帶春寒去未能煙暹水涯多好鳥  
竹床蒲椅但高僧須知日富為神授祇有家貧免盜憎  
除却數函圖籍外更將何事結良朋

涂方平後聞赦因寄襲美

新春旒宸御翬軒海內初傳渙汗恩秦獄已收為厲氣

瘴江初返未招魂，英才盡作龍蛇蟄。時停貢舉戰地多成虎豹  
村除却數般傷痛外，不知何事及王孫。

。襲美以魚牋見寄因謝

擣成霜粒細鱗，知作愁吟幸見分。向日乍驚新繭色  
臨風時辯白萍文。魚子曰白萍好將花下承金粉，堪送天邊詠碧  
雲。見倚小窓親襞染盡圖，春色寄夫君。

。和襲美病後春思韻

氣和靈府漸氤氳，酒有賢人藥有君。七字篇章看月得  
百勞言語傍花聞。閒尋古寺消晴日，最憶深溪枕夜雲。  
早晚共搖孤艇去，紫屏一作風外碧波文。

襲美以公齋小宴見招

早雲纔破漏春陽，野客晨興喜又忙。自與酌量煎藥水  
別教安置曉書床。依方釀酒愁遲去，借樣裁巾怕索將。  
惟待數天公事了，不妨還入少年場。

。京口

江千古渡傷離情，斷山零落春潮平。東風料峭客帆遠  
落葉夕陽天際明。戰舸昔浮千騎去，釣舟今載一翁輕。  
可憐宋帝籌帷處，蒼翠無煙草自生。

。潤州送人往長洲

秋來頻上向吳亭，每上思歸意剝生。廢苑池臺煙裏色

夜村簾笠雨中聲汀洲月下菱船疾揚柳風高酒旆輕  
君住松江多少日為膏鱸膾與蓴羹

潤州江口送人謁池陽衛郎中

山翁曾德舊交惟須拂溪門側注冠月在石頭拙戎角  
風生江口亞帆竿閒隨野醉溪聲鬧獨伴清譚晚色殘  
待取新秋歸更好九華蒼翠入樓寒

甫里先生集卷之八終

甫里先生集卷之九

七言八句二

襲美以紗巾見惠因次韻酬謝

薄如蟬翅背斜陽不稱春前贈反葺葺郎初覺頂寒生遠

吹預憂頭白透新霜堪窺水檻澄波影好拂花牆亞藥

香知有芙蓉留自戴桐柏真人戴芙蓉冠也欲裁煙霧訪黃房

聞襲美有親迎之期因以寄賀

梁鴻夫婦欲雙飛細雨輕寒拂雉衣初下雪窓應春戀  
次乘煙憶柰光輝參差扇影分華月斷續簫聲落翠微  
見說春風滿有賀露花千朶照庭闈

襲美以巨魚之半見分因以訓謝

誰與春江上信魚可憐霜刃截來初鱗腹似撒騷人屋  
腹斷疑傷遠客書避網幾跳山影破送風曾蹙浪花虛  
今朝最是家童喜免泥荒畦擬野蔬

和館娃宮懷古韻

鏤眉消落濯春雨蒼翠無言空斷崖草碧未能忘帝女  
燕輕猶自識宮釵江山祇有愁容在劍珮應和愧色埋  
賴有伍員騷思少吳王纔免似荆懷

同襲美遊北禪院

院即顧司勳  
陸郎中舊宅

連延花蔓映風廊岸憤披襟到竹房居士祇今開梵處

先生曾是草玄堂清樽林下看香印遠岫窓中挂鉢囊  
今日有情消未得欲將名理問思光

襲美以紫石硯見贈以詩迎之

霞骨堅來玉自愁琢成飛燕古釵頭澄沙脆弱聞應伏  
青鐵沉埋亦見羞最稱風亭批碧簡好將雲竇漬寒流  
君能把贈行吟客滿寫江南物象酬

和孫發百篇將遊天台請詩贈行

直應天授與詩情百詠惟消一日成去把彩毫揮國  
歸參黃綬別春鄉閒窺碧落懷煙霧暫向金庭隱姓名  
珍重興公徒有賦石梁深處是君行

和開元寺筍園寄章上人

春龍爭地養檀欒况是雙林雨後看  
迸出似毫當垆塙孤生如恨倚欄杆  
凌虛勢欲齊金刹折贈光宜照玉盤  
更待錦苞零落後粉環高下揭煙寒

薔薇

倚牆當戶自橫陳致得貧家似不貧  
外布芳菲雖笑日中含芒刺欲傷人  
清香注、生遙吹狂蔓看、及四隣  
遇有客來堪玩處一端晴綺照煙新

和詠開元寺佛鉢

空王初受逞神功四鉢須臾現一重  
至今鉢緣  
大四重也持次想添香

積飯覆時常帶步羅鐘光寒好照金毛鹿  
響靜堪降白耳龍從此寶函香裏見不煩  
西去詣靈峯

訓襲美夏首病愈見招韻

雨多青合是垣衣一幅蠻箋夜款扉  
蕙帶又聞寬沈約茅齋猶自憶王微  
方靈祇在君臣正篆古須拋點畫肥  
除却伴談秋水外野鷗何處更忘機

新夏東郊閒泛有懷襲美

遲于春日好于秋野客相携上釣舟  
經略約時冠暫亞佩筇箬後帶頻搗  
蒹葭鷺起波搖笠村落蠶眠樹挂鉤  
料得祇君能愛此不爭煙水似封侯

四月十五日道室書事寄襲美

烏飯新炊龍臙香道家齋日以為常月苗杯舉存三洞  
雲縈函開叩九章一掬陽泉堪作雨數銖秋石欲成霜  
可中正直雷平信為覓閒眠苦竹床

看歷新醕寄懷襲美

曉歷糟床漸有聲旋如荒澗野泉清身前古態燠應出  
世上愁痕滴合平飲啄斷年同鶴儉風波終日看人爭  
樽中若使常能綠兩綬通侯摠強名

和登初陽樓寄懷北平郎中

遠窓浮檻亦成年幾伴揚公白晝筵日暖煙花曾撲地

氣和星象却歸天閒將水石侵軍壘醉引笙歌上釣船  
無限恩波猶在目東風吹起細漪連

和夏初襲美見訪題小齋韻

四隣多是老農家百樹維桑半頃麻盡趁清明脩網架  
每和煙雨掉綠車啼鶯偶坐身藏葉餉婦歸來髮有花  
不是對君吟復醉更將何事送年華

和襲美所居首夏適然有作韻

柿陰成列蕪花空却憶桐江下釣筒亦以魚蝦供熟鷺  
近緣櫻筍識隣翁閒分酒劑多還少自記書籤白間紅  
更愛夜來風月好轉思予度對夫公



和題達上人藥圃二首

藥味多從遠客賚  
旋添花圃漸成畦  
三椽舊種根應異  
九節初移葉尚低  
山茨便和幽澗石  
水芝須帶本池泥  
從今直到清秋日  
又有香苗幾番齊

又

淨名無語是清羸  
藥草搜來喻更微  
一雨一風皆遂性

花開花落盡忘機  
教疎兔縷金絃亂  
危絲別名自擁龍丹紫汞

肥莫怪獨親幽圃  
坐病容銷盡欲依歸

和懷華陽潤卿博士三首

幾降真官授隱書  
洛公曾到夢中無  
眉間入靜三更影

肘後通靈五嶽圖  
北洞樹形如曲蓋  
東凹山色似重爐

金墟福地能容否  
願作岡前蔣負芻

又

火氣應難到洞宮  
蕭閒堂冷任天風  
談牙塵尾拋雲底  
服散龍胎在酒中  
有路還將赤城接  
無泉不共紫河通  
音編早晚教傳授  
免以神仙問葛洪

又

終日焚香禮洞雲  
更思琪樹轉勞神  
曾尋下泊宮名常經月  
不到中峯又累春  
仙道最高黃玉錄  
暑天漏稱白綸巾  
清齋若見茅司命  
乞取朱兒十二斤

朱兒事見登真隱

以竹夾膝寄贈襲美

截得篔簹冷似龍翠光橫在暑天中堪臨薤簟閒憑月  
好向松牕臥跋風持贈敢齊青玉案醉吟偏稱碧荷筒  
添君野具教多着為著西齋譜一通

和夏景無事因懷章來二上人韻二首

檐外青陽有二梅折來堪下凍醪杯離騷注云盛夏以醇酒置冰上高於自欲

生龍腦小弁誰能寄鹿胎麗事肯教饒沈謝談微何必

減京雷還聞擬續東林社爭奈淵明醉不來

又

忽憶高僧坐夏堂厭泉聲聞笑雲忙山重海淡懷中即

月冷風微宿上方病後書求嵩少藥定迴衣染貝多香

何時更問道義道林有道五粒松陰半石床道澄別義

桐江得一釣車以襲美樂煙波之思因出以為

玩俄辱三篇復抒酬畲

旋屈金鉤劈翠筠手中盤作釣魚輪忘情不效孤醒客  
有意閒窺百丈鱗雨似輕埃時一起雲如高蓋強相親  
任他華轂低頭笑此地終無覆敗人

曾招漁侶下清潭獨繭初隨一錘深細輾煙華無轍跡  
靜含風力有車音相呼野飯依芳草迭和山歌逗遠林  
得失任渠但平取樂不曾生箇是非心

病來懸着腕絡絲特喜高情  
持教幅尚凝煙水態  
三篇能賦蕙蘭詞雪深石淨閒眠穩月上江平放溜遲  
第一莫教諳此境倚天功業待君為

和吳中書事寄漢南裴尚書

風清地古帶前朝遺事紛々未寂寥三泖涼波魚菹動

遠祖士衡對晉武帝以三泖冬溫夏涼五茸春草雉媒嬌五茸吳王獵所茸各有名雲藏野寺分金刹

月在江樓倚玉簫不用懷歸忘此景吳王看郎奉弓招

和夏景冲澹偶作二首韻

蟬雀參差在扇紗竹襟輕利籜冠斜壚中有酒文園會  
琴上無絃靖節家蘭畹煙霞全覆蕙橘洲風浪半浮花

閒思兩地忘名不信人間髮解華

祇于池曲象山幽瀟湘浸石樓斜拂芙蓉盤輕鷺下

細穿菱線小鯢遊閒開茗焙嘗須遍醉撥書帷臥始休

莫道仙家無好爵方諸還拜碧琳侯

和送李明府之任南海

春盡之官直到秋嶺雲處凭瀧樓居人愛近沉珠浦

侯吏多來拾翠洲賓稅盡應輸紫貝蠻童多學佩金鉤

知君不戀南枝久拋却經冬白蜀裘

和寄題羅浮軒轅先生所居

鼎成仙馭入崆峒百世猶傳至道風暫應青詞為穴鳳

却思丹激伴冥鴻金公的、生爐際瓊及時、到夢中  
預恐浮山歸有日載將雲室十洲東

和寄瓊州揚舍人

明時非罪謫何偏鵬鳥巢南更數千酒滿椰杯消毒霧  
風隨蕉扇下瀧船人多藥戶行狂蠱吏有珠官出俸錢  
祇以直誠天自信不勞詩句詠貪泉

和宿報恩寺水閣

峯抱池光曲岸平月臨虛檻夜何清僧穿小檜纔分影  
魚擲高荷漸有聲因憶故山吟易苦各橫秋簟夢難成  
周顒不用裁書勸自得涼天證道情

和醉中偶作見寄韻

海鶴飄飄韻莫濟在公猶與俗情乖初呈酒務專求判  
合禱山祠請自差永夜談可侵周象一生交態忘形骸  
憐君醉墨風流甚幾度題詩小謝齋

和寄滑州李副使員外

洛生閒詠正抽毫忽傍旌旗着戰袍檄下連營皆破膽  
劔離孤匣欲吹毛清秋月色臨軍壘半夜淮聲入賊壕  
除却征南馬上將平塗功業更誰高

和吳中言懷寄南海二同年

曾見凌風上赤霄盡將華藻赴嘉招城連虎踞山圖麗

路入龍編海舶遙江客漁歌衝白苧野禽人語映紅蕉  
庭中必有君遷樹莫向空庭望漢朝

交州記云有君遷樹有朝  
臺尉祀望漢所築

和傷史拱山人

曾說山西欲去尋豈知霜骨葬寒林常依淨住師冥目  
兼事容成學算心史學浮圖  
兼善算術逋客預齋還梵唱老猿窺祭亦  
悲吟惟君獨在江雲外誰誅孤貞置峴岑

白鷗并序

安樂任君嘗為涇尉居吳城中地纔數畝而不佩  
俗物有池中有島嶼池之南西北邊各三亭脩  
篁嘉木掩隱隈奧處其一不見其二也君好奇樂

異喜文學名理之士所得

清散

襲美知而

借詣既生有白鷗翩然馴于砌下因請浮而玩之

主人曰池中之族老矣每以豪健據有鷗之始浮

輒逐而害之今畏不敢入吁昔人之心蓄機事猶

或舞而不下况害之哉且羽族麗于水者多矣獨

鷗為閒暇其致不高耶一旦水有鯨鯢之患陸有

狐狸之憂儔侶不得命嘯塵埃不得澡刷雖蒙人

之沉賞亦天地之窮鳥也感而為詩邀襲美同作

慣向溪頭漾淺沙薄煙微雨是生涯時時失伴尋山影

往往爭飛雜浪花晚樹清涼還鷗鴟舊巢零落寄蒹葭

池塘信美應難戀針在魚唇劍在鯢

懷揚台文揚鼎文二秀才

秋早相逢詩得春崇蘭清露小山雲

崇蘭山郡中二堂

寒花

自愁

中見曙角多同醒後聞釣具每隨輕舸去詩題閒上小

樓分重思醉墨縱橫甚書破羊欣白練裙

和襲美謝友人惠人參

五葉初成擬樹陰

奇按人參贊曰三極五葉背湯向陰

紫園峯外即雞林名參鬼蓋

須難見材似形人不可尋品第已聞升碧簡携持應合

重黃金殷勤潤取相如肺封禪書成動帝心

近文注云封禪句唐人多以自比或以比人

可見唐儒之陋也嘗序詩漢家若欲論封禪頌及相如未病時昌黎亦上表勸封禪又教自謂帝相如

嚴子重以詩遊于名勝間不幸且沒襲美作詩

序而弔之予和

每值江南日落春十年詩酒愛逢君芙蓉湖上吟船倚

翡翠巖前醉馬分祇有汀洲連舊葉豈無章疏動遺文

猶憐未卜佳城處更斷要離冢畔雲

。 箕山

水繞蒼山固護來當時盤據寔雄才周郎計策清宵定

曹氏樓船白晝灰五十八年爭虎視三千餘騎騁媒

何如今日家天下閭闔門臨萬國開

寄茅山河威儀二首

大小三峯次九華靈蹤今盡屬何家漢時山上雲巔鶴  
蜀地春開洞底花閒傍積嵐尋瀑眼便凌殘雪採芝芽  
年來已奉黃庭教夕煉腥鬼曉吸霞  
曾向人間拜節旄乍疑因夢到仙曹身輕曳羽霞襟狹  
髻聳我煙鹿憤高山暖不暈峯上薤水寒仍落洞中挑  
從聞此日搜竒話轉覺鬼飛夜、勞

甫里先生集卷之九終

甫里先生集卷之十

七言八句三

早秋吳體寄襲美

荒庭古樹只獨倚敗蟬殘蛩苦相仍雖然詩膽大如斗  
爭素愁腸牽似繩短燭初添蕙幌影微風漸折蕉衣接  
安得亨弓似明月快箭拂下西飛鵬

病中秋懷寄襲美

病容愁思苦相兼清鏡無形未我嫌貪廣異蔬行徑窄  
故求偏藥出錢添同人散後休賒酒羨燕辭來始下簾  
更有是非齊未得重憑詹尹拂龜占

秋賦有期因寄襲美

時將主  
試貢士

雲似無心水似閒忽思名在貢書間煙霞鹿弁聊懸着  
隣里漁舸暫解還  
芳草病來猶滿篋藥苗衰後即離山  
廣寒宮樹枝多少風送高低便可攀

和新秋郎事三首韻

心似孤雲任所之世情中更有誰知愁尋冷落驚雙鬢  
病得清涼減四支懷舊藥溪終獨往宿枯杉寺已頻期  
兼須為月求高處即是霜輪殺滿時

帆檝衣裳盡釣徒往來蹤跡遍三吳閒中展卷興亡小  
醉後題詩點麤松島伴譚多道氣竹窓孤夢豈良圖還

須待致昇平了即往扁舟放五湖畫

聲利從來解破除秋灘惟憶下桐廬鸕鷀陣合殘陽少  
靖蛸吟高冷雨疎辯伏南華論指才非不晏借書  
當時任使真堪笑波上三年學炙魚

和南陽潤卿將歸雷平

朝市山林隱一般却歸那減臥雲惟墮階紅葉誰收得  
半盞清醪客酌乾玉笈詩成吟處晚金沙泉落夢中寒  
真仙若降如相問曾步星壇遠醮壇

。顧道士亡弟子奉束帛乞銘于襲美因戲贈

童初真府以爲郎君與抽毫刻便房亦謂神仙同許郭



不妨才力似班揚比于黃絹詞尤妙酬以霜縑價未當  
惟我有文無賣處筆鋒銷盡墨池荒

和訪寂上人遇

芭蕉霜後石欄荒林下無人閉竹房經抄未成拋素几  
錫環應撼過寒塘蒲團為拂浮埃散茶器空懷碧餠香  
早晚却還宗柄社夜深風雪對禪床

秋夕文宴

筆陣初臨夜正清擊銅遙認小金鉦飛觥壯若遊燕市  
覓句難于下趙城隔嶺故人因會憶傍檐棲鳥帶吟驚  
梁王座上多詞客五韻甘心第七成

梁昭明嘗文宴賦詩各五韻劉孝威第七方成

代廣文訓襲美見贈韻

不知天隱在何鄉且欲煙霞跡暫復鸛廟未能齊月馭  
鹿門聊擬並雲牕蘼街荒磴發桑屐花浸春醪挹石缸  
莫惜查頭容釣伴也應東邱有餘江

和寄毗陵魏處士朴

經苑初成墨沼開何人林下肯尋來若非宗測圖山後  
即是韓康賣藥迴溪籟自吟朱鷺曲沙雲還作白鷗媒  
惟應地主公田熟時送君家麴蘖杯

和冬初偶作寄南陽潤卿韻

逐日生涯敢計冬可嗟寒事落然空窓憐返照綠書小

庭喜新霜為橘紅  
衰柳尚能和月動  
敗蘭猶擬倩煙籠  
不知海上今清淺  
試與飛書問洛公

和冬曉章上人院

山寒偏是曉來多  
况值禪牕雲氣和  
病客功夫經未演  
故人書信納新磨  
閒臨靜案脩茶品  
獨傍深溪記藥科  
從此逍遙知有地  
更乘清月伴君過

和題周尊師所居

見說身輕鶴不如  
石房無侶共雲居  
清晨自削靈香抄  
獨夜空吟碧落書  
十洞飛精應徧吸  
一簪秋髮未曾梳  
知君便入懸珠會  
早晚東騎白鯉魚

寒夜文宴

得驚字

各將寒調觸詩情  
旋見微漸入硯生  
霜月滿庭人暫起  
汀洲半夜雁初驚  
三清每為仙題想  
一日多因累句傾  
千里建康衰草外  
含毫誰為憶昭明

送潤卿還華陽

何事輕舟近臘回  
茅家兄弟欲歸來  
玉洞虛無奏點檢  
霜壇沆瀣杯  
雲肆先生分氣調  
山圖公子愛詞才  
殷勤為向東鄉薦  
澆掃含真雪後臺

茅司命以三月十八日十月二日會于華陽天封題

和  
新羅弘惠上人請襲美為靈鷲山周禪師碑  
將還以詩送之

一函迢遞。東瀛祇為先生處。乞銘已得雄詞。封靜檢  
却懷孤影。在禪庭春過。異國人應寫。夜讀滄洲。怪亦聽  
遙想。勒成雙堵。下盡空望碧。禮文星。

和寒日書齋郎事三首。每篇各用一韻。

不必探幽。上鬱岡公齋吟嘯。亦何妨。惟求意。故供僧食  
別著。甞能待客。牀春近。帶煙分短蕙。曉來衝雪。撼疎篁  
餘杭山酒。猶封在。遙囑高人。未肯嘗。

已上星津八月。搃文通。猶自學丹砂。江文通有丹砂可學賦仙經寫得空

三洞隱士。招來別九華。靜對真圖。呼綠齒。偶開丹室。問  
黃牙。方諸更是憐才子。錫賚于君。合有差。

名價皆酬百萬餘。尚憐方丈講。西都賓問曾成賦。

東海人求近著書。夔美嘗作吊江都賦又新羅僧請為大師碑銘茅洞烟霞。侵寤寐。擅溪風。

月挂漁樵。清朝還要。廷臣在兩地。寧容便結廬。

和臘後送內大德從勗遊天台

應緣南國。盡南宗。欲訪靈溪路。暗通溪在天台山下歸思不離。雙闕

下去程。猶慙明東銅。銚淨貯挑。雨金策。閒搖麥穗風。

上人指期國清過夏若戀吾君。先拜疏。為論台嶽。未封公。

和寄題玉霄峯葉涵象尊師所居

天台一萬八千丈。師在浮雲端。掩扉求夜祇。知星斗大  
深秋。猶見海山激。風前幾降青毛節。雪後應披白羽衣。

南望烟霞空拜再欲將飛鬼問靈威

。南陽廣文博士還雷平後寄

微、春色染林塘親撥煙霞坐澗房陰洞雪膠知未入  
濁醪風破的偷嘗芝臺曉用金鑄煮星度閒將玉鈴量  
幾遍侍晨官欲降曙壇先起獨焚香

。和題丈山南峯僧韻

眉毫霜細欲垂有自說初棲海嶽年萬壑烟霞秋浚到  
一林風雨夜深禪時翻貝葉添新藏間棟松枝護小泉  
好是清冬無外事匡床齋罷向陽眠

。送董少卿遊茅山

威輦高懸度世名至今仙裔作公卿將隨羽節朝珠闕

曾佩魚符管赤城

董嘗判  
台州

雲凍尚含孤石色雪乾猶墮古

松聲應知四扇靈方在待取歸時綠髮生

和寄懷南陽潤卿

高抱相逢各絕塵水經山疏不離身才情未擬湯從事  
不解猶嫌竺道人霞染洞泉渾變紫雪披江樹半和春  
誰憐故國無生計惟種南塘二畝芹

襲美將以綠罽為贈因成四韻

三徑風霜利苦刀禱禱吹斷胃蓬蒿病中祇自悲龍具  
世上何人識羽袍狐貉近懷珠履貴薜蘿遙羨白巾高

陳王輕暖如相遺免致衰荷效廣融

和過張祐處士丹陽故居并序

張祐字承吉元和中作宮體小詩詞曲艷發當時  
輕薄之流能其才合譟得譽反老大稍窺建安風  
格誦樂府錄知作者本意短章大篇往往間出諫  
諷怨譎時與六義相左右善題目佳境言不可利  
置別處此為才子之最也由是賢俊之士及高位  
重名者多與之遊謂有鷓鴣之野孔翠之鮮竹柏  
之貞琴磬之韻或薦之于天子書奏不下亦受辟  
諸侯府性狷介不容物輒自劾去以曲阿地古澹

有南朝之遺風遂築室種樹而家焉性嗜水石常  
悉力致之從知南海間罷職載羅浮石筍還不蓄  
善田利產為身後計死未二十年而故姬遺厚凍  
餒不暇前所謂鷓鴣孔翠竹柏琴磬之家雖朱輪  
尚乘遺編尚吟未嘗一省其孤而恤其窮也噫人  
假之為玩好不根于道義耶懼其怨刺于神明耶  
天果不受才沒而猶譴耶吾一不知之友人顏弘  
至江南道中訪其廬作詩弔而序之屬予應和予  
泊沒者不足哀承吉之道邀襲美同作庶承吉  
之孤倚其傳而有憐者

勝華通子共悲辛  
荒徑今為舊宅隣  
一代交遊非不貴  
五湖風月合教貧  
魂應絕地為才鬼  
名與遺編在史臣  
聞道平生偏愛石  
至今猶泣洞庭人

和襲美寄廣文

忽辭明主事  
真君直取姜巴路  
入雲龍篆拜時輕  
詰命霓襟披後小  
牙纁峰前北帝三元會  
石上東鄉九錫文  
應笑世間名利火  
等閒靈府剩先焚

和襲美先悼悼鶴

一夜圓吭絕不鳴  
八公虛道得千齡  
方添上客雲眠思  
忽伴中仙劍解形  
但掩叢毛穿古堞  
永留寒影在空屏

君才幸得清如水  
更向芝田為刻銘

幽居有白菊一叢  
因而成詠呈知己

還是延年一種材

菊之別名

郎將瑤朶冒霜開  
不如紅艷陪歌

扇欲伴黃英入酒杯  
陶令接離堪岍著  
梁王高屋好歌

來

梁朝有白紗高屋帽

月中若有閒田地  
為勸嫦娥作意裁

和傷開元觀顧道士

何事神超入杳冥  
不騎孤鶴上三清  
多應白簡迎將去  
即是朱陵鍊更生  
藥真肯同椒醕味  
雲謠空替歌聲  
武皇徒有飄飄思  
誰問山中宰相名

和醉中郎席贈潤卿博士韻

共是虛皇簡上仙清詞如羽欲飄然登山凡著幾緡屐  
破浪欲乘千里船遠夢只留丹井畔閒吟多酒在旗前  
誰知海上無名者只記漁歌不記年

送浙東德師侍御罷府西歸

王謝遺踪玉籍仙三年閒上鄂君船詩懷白閣僧吟苦  
俸買青田鶴價徧行次野楓臨遠水醉中衰菊臥涼煙  
芙蓉散盡西歸去惟有山陰九萬巖

送羊振文先輩往桂陽歸覲

風雅先生去一麾過庭才子趣歸期時使君丈人自  
毛詩博士出牧讓王門外  
開帆葉義帝城中望戟支郢路漸寒飄雪遠湘波初暖

漲雲遲靈均精鬼如能問又得千年賈博詞

襲美留振文宴龜蒙不赴次韻訓謝

綺席風開照露晴祇將茶芽代雲觥繁絃似玉紛、碎  
佳妓如鴻一、驚豪健幾多飛藻客羽寒寥落映花鶯  
幽人獨自西窓晚閒凭香檉反照明

和重送圓載上人歸日本國

老思東極舊叢扉却待秋風泛舶歸曉梵陽烏當石磬  
夜禪陰火照田衣見翻經論多盈篋親植杉松大幾圍  
遥想到時思魏闕只應遥拜盡行暉

和褚家林亭

一陣西風起浪花  
逸攔杆下散瑤華  
高窓曲檻仙侯府  
臥葦荒芹白鳥家  
孤島待寒凝片月  
遠山終日送餘霞  
若知方外還如此  
不要秋乘上海槎

歸雁

北走南征象我曹  
天涯迢遞翼應勞  
似悲邊雪音猶苦  
初背岳雲行未高  
月島聚栖防暗繳  
風灘斜起避驚濤  
時人不問隨陽意  
空拾攔邊翡翠毛

王先輩草堂

松徑隈雲到靜堂  
杏花臨澗水沉香  
身從亂後全家隱  
日校人間一倍長  
金錄疑作錄漸加新品秩  
玉皇偏賜羽衣

裳何如聖代彈冠出  
方朔曾為漢侍郎

句曲山朝真詞二首 并序

歲三月十八日句

道士朝真于大茅峯上學神

仙有至自千萬里者  
予距華陽天程止信宿塵約  
不能遂去馳神旦、忽若戴昇矣  
因作朝真詞迎送各二解以自塞意

九華磬答寒泉急  
十絕幡搖翠微濕  
司命旌旒未下來  
焚香抱簡凝神立  
殘星下照霞襟冷  
缺月纔分鶴輪影

空洞靈章發一聲  
春來萬壑煙花醒 右迎真

縈雲鳳髻飄然解  
玉鉞牙干儼先邁  
朝真弟子悄無言



再拜碧杯添沈瀧火鈴跳躍龍毛蓋腦髮青、椒餅、  
萬象銷沉一瞬間空餘月外聞砧珮右送真

傷越

越溪自古好風煙盜束兵纏已半年訪戴客愁隨水遠  
浣紗人泣共埃捐臨焦賴澆王師兩欲墮重登刺史天  
早晚山川盡如故清吟閒上鄂君船

甫里先生集卷之十終

甫里先生集卷之十一

七言絕句一

自遣詩三十首并序

自遣詩者震澤別業之所作也故疾未平歎臥  
田舍中農夫日以耒耜事相聒每至夜分不睡則  
百端興懷攬人思益紛亂無緒且語者持也謂持  
其情性使不暴去因作四句詩累至三十絕各  
有意既曰自遣亦何必題為

五年重別舊山村樹有交柯犢有孫更感卞峯顏色好  
曉雲纔散便當門

雪下孤村浙、鳴病魂無睡洒來清心搖祇待東窓曉  
長愧寒雞第一聲

多情多感自難忘祇有風流共古長座上不遺金帶枕  
陳王詞賦為誰傷

甫里先生未白頭酒旗猶可戰高樓長鯨好鱸無因得  
乞取餘艸作釣舟

花瀨濛、紫氣昏紫花瀨在顧渚步水邊山曲更深村終須揀取幽

栖處老檜成雙便作門

陰洞曾為採藥行冷雲凝絕燭微明玉芝敲折瑩然墮  
合有真人上姓名

長歎人間髮易華暗將心事許煙霞病來前約分明在  
藥鼎書囊便是家

醞得秋泉似玉容比于雲液更應濃思量北海徐劉輩  
枉向人間號酒龍

羊品口早口汗二切多應自古豪解盤金稍置纖腰縱然此事教凌  
得不博溪田二頃苗

偶然携稚看微波臨水春寒一倍多便使筆精如逸少  
懶能書字換群鷺

昔聞莊叟返、夢又道韓生苒、飛知有姓名聊寄問  
更無言語斜抱暉

雪侵春事太無端  
舞急微還近臘寒  
應是也疑真宰怪  
休時猶未徧林巒

數尺遊絲墮碧空  
年々長是惹東風  
爭知天上無人住  
亦有春愁鶴髮翁

誰使寒鴉意緒嬌  
雲情山晚動情慆  
亂和殘照紛々舞  
應索陽烏次第饒

古往天高事渺茫  
爭知靈媛不淒涼  
月娥如有相思淚  
祇待方諸寄兩行

本來雲外寄閒身  
遂與溪雲作主人  
一夜逆風愁四散  
曉來零落傍衣巾

淵明不待公田熟  
乘興先秋解印歸  
我為餘糧春未去  
到頭誰是復誰非

雲擁根株抱石危  
斷來文似瘦蛟螭  
幽人帶病慵朝起  
祇向春山畫日歌

月澹花閑夜已深  
采家微詠若遺音  
重思萬里無人賞  
露濕清香獨滿襟

采玉有微詠賦

南岸春田手自農  
往來橫半江風  
有時不耐輕撓興  
暫欲蓬山訪洛公  
截

賢達垂竿小隱中  
我來真作捕魚翁  
前溪一夜春流急  
已學嚴灘下釣筒

○水國君王又姓蕭風情猶是冠南朝  
靈和殿下巴江柳  
十二旒前舞翠條

○強梳蓬鬢整斜冠片燭光微夜思闌  
天意最饒惆悵事  
單栖分付與春寒

○無多藥圃近南榮合有新苗次第生  
稚子不知名品上  
恐隨春草鬪輸贏

○一派溪從箬下流春來無處不汀洲  
漪瀾未碧蒲猶短  
不見鴛鴦正自由

○山下花明水上曛一梳青翰破霞文  
越人但愛風流客  
繡被何須屬鄂君

○妍華須是占時生準擬差肩不近情  
佳麗幾時腰不細

○荆王辛苦致宮名

○姹女精神似月孤敢將容易入洪爐  
人間縱道鉛華少  
蝶翅新篁未肯無

○貞白求丹變姓名主恩潛助亦無成  
侯家竟換梁天子  
王整徒勞作外兵

○春雨能膏草木肥就中林野碧含滋  
惟餘病客相逢背  
一夜寒聲減四肢

○別墅懷歸

東去滄溟百里餘沿江潮信到吾廬  
就中家在蓬山下

一日堪憑兩寄書

野井

朱閣前頭露井多碧梧桐一本作桃花下美人過寒泉未必能如此奈有銀餅素綆何

南江

丞相南征定有無幕中誰是騁良圖遙知賊膽縱橫破繞帳生犀一萬株

北渡

江客柴門枕浪花鳴機寒艣自嘔啞輕舟過去真堪畫驚起鷓鴣一陣斜

夜泊詠棲鴻

可憐霜月暫相依莫向衡陽趁逐飛同是江南寒夜客羽毛單薄稻梁微

早行

水寒孤棹觸天文直似乘槎去問津縱使碧虛無限好客星名字也愁人

木蘭堂

不知元是此花身日、征帆送遠人幾度木蘭舟上望

和襲美春夕陪崔諫議櫻桃園宴

佳人芳樹雜春蹊  
花外煙濛月漸低  
幾度艷歌清欲轉  
流鶯驚起不成棲

和松江早春

柳下江陰待好風  
暫時還得狎漁翁  
一生無事煙波足  
惟有沙邊水勃公

和女墳湖即吳王葬女之所

水平波淡遠迴塘  
鶴殉人沉萬古傷  
應是離魂渡不得  
至今沙上少鴛鴦

和泰伯廟

故國城荒德未荒  
年叔莫濕中堂邇來父子爭天下

不信人間有讓王

和宿水蘭院

苦吟清漏迢迢  
極月過花西  
尚未眠猶憶故山  
歌警枕夜來嗚咽似沉泉

和重題薔薇

瓊華自古不得久  
况是倚春、已空  
更被夜來風雨惡  
滿階狼籍沒多紅

和春夕酒醒

幾年無事滂江湖  
醉倒黃公舊酒壚  
覺後不知明月上  
滿身花影倩人扶

和木蘭後池三詠

重臺蓮花

水國煙鄉足芰荷就中芳瑞比難過風情為與吳王近  
紅萼常教一倍多

浮萍

晚來風約半池明重疊浸沙綠罽成不用臨池更相笑  
最無根蒂是浮名

白蓮

素蕊多蒙別艷欺此花真合在瑤池還應有恨無人覺  
月曉風清欲墮時

和重題後池

曉煙清露暗相和浴雁浮鷗意緒多却是陳王詞賦錯  
枉將心事託微波

和胥門閒泛

細槳輕撐下白蘋故城花謝綠陰新豈無今日逃名士  
試問南塘着屨人

襲美初植松挂偶題

軒陰冉冉移斜日寒韻冷、入晚風煙月姿曾不改至  
今猶似在山中格

和館娃宮懷古五絕

三千猶衣水犀珠  
半夜夫差國暗屠  
猶有八人皆二八  
獨教西子占亡吳

一宮花渚漾連漪  
妥墮鴉鬟出繭眉  
可料座中歌舞袖  
便將殘節拂降旗

幾多雲樹倚青冥  
越焰燒來一片平  
此地最應沾恨血  
至今春草不勻生

江色分明練遠臺  
戰帆遙隔綺疏開  
波神自歎荒淫主  
勾踐樓船穩帖來

寶祿香綦碎曉塵  
亂兵誰惜似花人  
伯勞應自精一使  
猶向殘陽泣暮春

和虎丘寺西小溪閒泛三絕

號樹相思枝拂地  
鳥語提壺聲滿溪  
雲

曲

直是漁翁行也迷

荒柳卧波渾似困  
宿雲遮塢未全癡  
雲情柳意蕭蕭會

若問諸餘揔不知

每逢孤嶼一倚檝  
便欲狂歌同採薇  
任是煙蘿中待月

不妨歌枕扣舷歸

和天竺寺八月十五夜桂子

霜實常聞秋半夜  
天台天竺墮雲岑  
垂拱中天台桂子  
落百餘日方止  
如何兩地

無人種却是湘灘  
是桂林



戲題襲美書印囊

鵲銜龜顧妙無餘  
不愛封侯愛石渠  
應笑休文通萬卷  
至今誰道沈家書

和釣侶二章

一艇輕棹看晚濤  
接羅拋下流春醪  
相逢更倚蒹葭泊  
更唱菱歌劈蚌殼

兩後沙塵古岸崩  
魚梁移入亂雲層  
歸時月墮汀洲暗  
認得妻兒結網燈

和寄同年常校書

萬古風煙滿故都  
清才搜括妙無餘  
可中寄與芸香客

便是江南地理書

和初冬偶作

桐下空階疊綠錢  
貂裘初綻擁高眠  
小壚低幌還遮掩  
酒滴香灰似去年

和醉中寄一壺并一絕

酒痕衣上雜莓苔  
猶憶紅螺一兩盃  
正被遠籬荒菊笑  
日斜還有白衣來

和再韻

階下飢禽啄嫩苔  
野人方倒病中盃  
寒蔬賣却還沽喫  
可有金貂換得來

和重耳寺雙矮檜

可憐煙刺是青螺如到雙林誤禮多更憶早秋登北固  
海門蒼翠出晴波

醉中戲贈襲美

南北風流舊不同  
信英今日若相通  
病來猶伴金杯滿  
欲得人呼小褚公

潤鄉遺青飢飯

舊聞香積金山食  
今見青精玉斧餐  
自笑鏡中無骨錄  
可能飛上紫雲端

文燕招潤鄉博士辭以道侶將至一絕寄之

仙客何時下鶴翎  
方瞳如水腦華清  
不道傳達揚君夢  
從許人間小兆聽

再招

遙知道侶談  
不次又是文交麗  
事時雖是寒輕雲重日  
也留花簾待徐摛

徐梁怨別

寥、缺月看將落  
檐外霜華染羅幕  
不知蘭棹到何山  
應倚相思樹邊泊

玩金鷄瀟戲贈襲美

曾向溪邊泊暮雲  
至今猶憶浪花群  
不知鏤羽凝香霧

堪與鴛鴦覺後聞

閒居雜題五首

以題十五  
字離合

鳴蛩早

閒來倚杖柴門口  
鳥下深枝啄晚虫  
周步一池銷半日  
十年聽此鬢如蓬

野態真

君如有意耽田里  
予亦無機向藝能  
心之所便惟是直  
人間聞道最先憎

松間對

子山園靜憐幽水  
公幹詞清詠華門  
月上風微瀟洒甚

斗醪何惜置盈樽

飲巖泉

已甘茅洞三君食  
欠買桐江一朶山  
巖子瀨高秋浪白  
水禽飛盡釣舟還

當軒竊

自笑與人乖好尚  
田家山客共柴車  
于時未似接盧雀  
鳥道閒携相爾書

藥名離合夏日即事三首

乘騎着來幽砌滑  
石甕煎得遠泉甘  
草堂祇待新秋景  
天色微涼酒半酣

避暑最須從朴野  
葛巾筠席更相當  
歸來又好乘涼釣  
藤蔓陰、着雨香  
窓外晚簾還自卷  
拍煙蘭露思晴空  
青箱有意終須續  
斷簡遺編一半通

和懷錫山藥名離合二首

鶴伴前溪栽白杏  
人來陰洞寫拈松  
蘿深境靜日欲落  
石上未眠聞遠鐘

佳句成來誰不伏  
神丹偷去亦須妨  
風前莫怪携詩藁  
本是吳吟蕩槳郎

和懷鹿門縣名離合二首

雲容覆枕無非白  
水色浸磯直是藍  
田種紫芝食可壽  
春來何事戀江南

竹溪深處猿同宿  
松閣秋來客共登  
封逕古苔侵石鹿  
城中誰解訪山僧

寄題天台國清寺齊梁體

峯帶樓臺天外立  
明河色近果悤濕  
松間石上定僧寒  
半夜猶溪水聲急

和諫議訃先輩霜菊

紫莖芳艷西風祗  
怕霜華掠斷叢  
爭柰病夫難強飲  
應須速自召車公照

寒日古人名

初寒朗詠徘徊立欲謝  
不關早晚開昨日登樓望江色  
魚梁鴻雁幾多來

和臯橋

橫絕春流架斷虹  
凭欄猶思五噫風  
今來未必非梁孟  
却是無人繼伯通

和襲美悼鶴

鄴都香稻字重思  
遥想飛魂去未飢  
爭奈野鴉無數健  
黃昏來占舊棲枝

和醉中襲美先起

莫唱艷歌凝翠黛  
已通仙籍在金闈  
他時若寄相思淚  
紅粉痕應伴紫泥

和酒病偶作

拂疎桐下晚牕明  
祇有微風為折醒  
惟欠綃白籠解散  
解散王儉髻名  
時人皆慕之也  
洛生閒詠兩三聲

憶白菊

稚子書傳白菊開  
西成相滯未容迴  
月明階下牕紗薄  
多少清香透入來

和同潤卿寒夜訪襲美各惜其志韻

醉運飄、不可親  
掉頭吟側華陽巾  
如能跛脚窓南下

便是羲皇世上人

和寒夜文燕潤鄉有期不至

細雨輕觴玉漏終上清詞句落吟中松齋一夜懷貞白  
霜外空聞五粒風

移石盆

移得龍泓漱灑寒月輪初下白雲端無人畫日澄心生

倒影新篁一兩竿

石竹花詠

曾看南朝畫國娃古羅衣上碎明霞而今莫共金錢鬪

買却春風是此花

甫里先生集卷之十一終

甫里先生集卷之十二

七言絕句二

和友人許惠酒以詩徵之

凍醪初漉嫩如春輕蟻漂、雜蘂塵得伴方平同一醉  
明朝應作蔡經身

圓載上人挾儒書歸日本國

九流三藏一時傾萬軸光凌渤海聲從此遺編東去後  
却應荒外有諸生

閒吟

閒吟料得三更盡始把孤燈背竹窓一夜西風高浪起

不教歸夢過寒江  
秘色越器

九秋風露越寒開  
奪得千峯翠色來  
好向中宵盛沆瀣  
共嵇中散闕遺杯

景陽宮井

古堞煙埋宮井樹  
凍主吳姬墮泉處  
舜沒蒼梧萬里雲  
却聞將二妃去

江南二首

便風船尾香杭熟  
細雨鬢頭赤鯉跳  
待得江食閒望足  
日斜方動木蘭橈

村邊紫豈花垂次  
岸上紅梨葉戰初  
莫怪煙中重回首  
酒家青貯一行書

溪思雨中

雨映山前萬絢絲  
擄聲衝破似鳴機  
無端織得愁成段  
堪作騷人酒病衣

江城夜泊

漏移寒箭丁、急月挂虛弓  
霜、明此夜離魂堪射斷  
更須江笛兩三聲

宮人斜

草蓋愁煙似不春  
晚鶯哀怨問行人  
須知一種埋香骨

猶勝昭君作虜塵

送慕容

滿目山川似勢暮况當秋雁正斜飛金門若召羊豈保  
賄取江蘇太守歸

漢宮詞

招靈閣上霓旌絕拍梁臺中珠翠猶一身三十六宮夜  
露滴玉盤青挂秋

上清

玉林風露寂寥清仙妃對月閒吹笙新篁冷澀曲未盡  
細拂雲枝換鳳驚

秋荷

蒲茸承露有佳色菱葉束煙如効顰  
冷翠遺香愁向人  
一水不得渡

有別

且將絲線繫蘭舟醉下烟汀減去愁江上有樓君莫上  
落花隨浪正東流  
池上已看鶯舌默雲間應即雁翰開惟愁別後當風立  
萬樹將秋入恨來

病中曉思

月墮霜西竹井寒  
轆轤絲凍下瓶難  
幽人病久渾成渴



愁見龍書一炳乾

送友之湖上

故人溪上有漁舟  
竿倚風蘋夜不收  
欲寄一函聊問訊  
洪喬寧作置書郵

寒日逢僧

瘦脰高寒梵屨輕  
野塘風勁錫環鳴  
如何不向深山裏  
坐擁閒雲過一生

冬楫

柳汀斜對野人牕  
零落衰條傍晚江  
正是霜風飄斷處  
寒鷗驚起一隻

寄友

敬亭寒夜溪聲裏  
同聽先生講太玄  
上得雲梯不回首  
釣竿猶在五湖邊

島樹

波濤漱苦盤根茂  
風雨飄多着葉遲  
迥出孤煙殘照裏  
鷺鷥相對立高枝

頭陀僧

萬峯圍繞一峰深  
向此長脩苦行心  
自掃雪中歸鹿跡  
天明恐被獵人尋

晚渡

半波風雨半波晴  
漁曲飄秋野  
調清各樣蓮  
船返村去  
笠擔簑袂有殘聲

贈老僧二首

拈貌自同霜裏水  
餘生惟指佛前燈  
少時寫得坐禪影  
今見問人何處僧  
自有家山供衲線  
不離溪曲取菴茅  
舊曾聞說林中鳥  
定後長來頂上巢

憶山泉

一夜寒聲自夢裏  
平明着屐到聲邊  
心期盛夏同過此  
脫却荷衣石上眠

自芙蓉

澹然相對却成勞  
月染風裁箇箇高  
似說玉皇親謫墮  
至今猶着水霜袍

嚴光釣臺

片帆竿外揖清風  
石立雲孤萬古中  
不是狂奴為故態  
中華爭得黑頭公

讀陳拾遺集

蓬頭何時與恨平  
蜀江衣帶蜀山輕  
尋聞騎士梟黃祖  
自是無人祭禰衡

吳宮懷古

香逕長洲盡棘叢  
奢雲艷雨祇悲風  
吳王事、須亡國  
未必西施勝六宮

送琴客之建康

蕙風杉露共冷、  
三峽寒泉漱玉清  
君到南朝訪遺事

拂家雙鎖舊知名

閨怨

白袷行人又遠遊  
日斜空上暎花樓  
愁絲墮絮相逐着  
絆惹春風卒未休

丁香

江上悠悠人不問  
十年雲外醉中身  
殷勤解却丁香結

縱放繁枝散誕春

種蒲

杜若溪邊手自移  
旋抽煙劍碧參差  
何時織得孤帆去  
懸向秋風訪所思

范蠡

平吳專越禍胎深  
豈是功成有去心  
勾踐不知嫌鳥喙  
歸來猶自鑄黃金

山僧二首

山薜幾重生  
草履澗泉長  
自滿銅瓶時將如意敲  
眠虎遣向林間坐聽經

一夏不離蒼島上秋來頻話石城南思歸瀑布聲前生  
却把松枝拂舊菴

上雲樂

青絲作笮挂為船白兔擣藥蝦蟇丸便浮天漢泊星渚  
回首笑君承露盤

眠

一簾臨窓薤葉秋小簾風蕩半離鈎  
菟清雨急夢到難  
身在五湖波上頭

行

尋人直到月塢北覓鶴便過雲峰西  
只今猶有疎野調

但繞莓苔風雨畦

倚

摘下凝情香染巾竹邊留思露搖身  
背煙垂首盡日立  
憶得山中無事人

吟

憶山搖膝石上晚懷古掉頭溪畔涼  
有時得句一聲發  
驚起鷺鷥和夕陽

食

日午空齋帶睡痕水蔬山藥薦盤飧  
林鳥信我無機事  
長到而今下石盆

坐

偶避蟬聲來隙地忽隨鴻影入遠天閒僧不會寂寥意  
道學西方人坐禪

新沙

渤澥聲中漲小隄官家知後海鷗知蓬萊有路教人到  
應亦年一稅紫芝

鄴宮詞二首

近文云鄴宮魏所建石氏慕容氏高氏皆居之

魏武平生不好香楓膠蕙炷潔宮房可知遺全非前事

却有餘薰在繡囊

按此首指曹魏

花飛蝶駭不愁人水殿雲廊別置春曉日靚粧千騎女

白櫻挑下紫綸巾

按此首指石魏宮中記曰石季龍以女騎千人為鹵簿着紫綸巾燕錦袴詩意謂花飛春去俱不足愁白櫻挑下千騎女春色盡在是矣

古別離

仙人左手把長箭欲射日烏不接何事離情畏明發  
一心惟恨汝南雞

高道士

峨眉道士風骨峻手把玉皇書一通東遊借得琴高鯉  
騎入蓬萊清淺中

蔬食

孔融不要留殘膾庾悅無端怯子鵝香稻熟來秋菜嫩  
伴僧殮了聽云何

寄遠

縹緲花謝鶯口啖黃犢少年牛未歸畫扇紅絃相拚映  
獨看斜月下簾衣

山中僧

手闌一室翠微裏日暮白雲接半間白雲朝出天際去  
若此老僧猶未閒

洞宮秋

濃霜打葉落地聲南溪石泉細冷洞宮寂寞人不寐  
坐見月生雲母屏

連昌宮詞二首

金鋪零落獸環空斜掩雙扉細草中日暮烏歸宮樹綠  
不聞鴉軋閉春風

階

草沒苔封疊翠斜墜紅千葉擁殘霞年、直為秋霖苦  
滴陷青珉隱起花

懷宛陵舊遊

陵陽佳地昔年遊謝眺青山李白樓惟有日斜溪上思  
酒旗風影落春流

松石曉景圖

霜骨雲根慘澹愁宿煙封着未全收將歸與說文通後  
寫得松江岸上秋

釣車

小輪輕線妙無雙曾伴幽人酒一缸洛客見時如有問  
帳煙衝雨過桐江

漉酒巾

靖節高風不可攀此巾猶墜凍醪間偏宜雪夜山中戴  
認取時情與醉顏

華陽巾

蓮花峯下得佳名雲褐相兼上鶴翎頭是古壇秋霽後

靜焚香炷禮寒星

方響

擊霜寒玉亂丁丁花底秋風拂生生王母閒看漢天子  
滿漪蘭殿珮環聲

白鷺

雪然飛下立蒼苔應伴江鷗拒我來見欲扁舟搖蕩去  
清君先作水雲媒

溪行

晚天寒雨上灘時他已揚舫我尚遲自己攜低帆幅少  
溪風終不兩般吹

太湖叟

細槳輕船買石歸  
酒痕狼籍滿苔衣  
攻車戰艦繁如織  
不肯回頭問是非

畜友

荆卿雄骨化為塵  
燕市應無共飲人  
能脫鸕鷀來換酒  
五湖賸與一年春

偶作

酒信巧為縲  
病緒花音長作嫁  
愁媒也知愁病堪回避  
爭奈流鶯喚起來

春思二首

竹外麥煙愁漠漠  
短翅啼禽飛魄魄  
此時憶着千里人  
獨坐支頤看花落

江南酒熟清明天  
高、綠、當風懸  
誰家無事少年子  
滿面落花猶醉眠

訪僧不遇

掉倚東林欲問禪  
遠公飛錫未應還  
蒙莊弟子相看笑  
何事空門亦有關

謝山泉

決、春泉出洞霞  
石壩封寄野人家  
草堂盡日留僧坐  
自向前溪摘茗芽



洞宮夕

月午山空桂花落華陽道士雲衣薄石壇香散步虛聲  
杉雲清冷滴栖鶴

峽客行

萬仞峯排千劍束孤舟夜繫峰頭宿蠻溪雪壞蜀江傾  
灑瀕朝來大如屋

江邊

江邊日晚潮煙上樹裏鴉、拈棹響無因得似灌園翁  
十畝春蔬一藜杖

簾

枕映疎容晚向歌秋煙脉、雨微、送風障燕尋常事  
不學人前當妓衣

開元雜題七首

玉龍子

何代奇工碾玉英細髻織角畫雕成煙乾霧悄君心苦  
風雨長隨一擲聲

照夜白

雪蚪輕駿步如飛一練騰光透月旗應笑穆王拋萬乘  
踏風鞭露向瑤池

舞馬

月窟龍孫四百蹄  
驕驪輕步應金鞞  
曲終似要君王寵  
回望紅樓不敢嘶

雜伎

拜象馴犀角觝豪  
星丸霜劍出花高  
六宮爭近乘輿望  
珠翠三千擁赭袍

雪衣女

嫩紅鈎曲雪花攢  
月殿樓時片影殘  
自說夜來春夢惡  
學持金偈玉攔干

繡嶺宮

繡嶺花殘翠倚空  
碧窓瑤砌舊行宮  
閒乘小駟濃陰下

時舉金鞭半袖風

湯泉

暖殿流湯數十間  
玉渠香細浪回環  
上皇初解雲衣浴  
珠掉時敲瑟山

荆溪早景題杜秀才水亭

曉和風露立晴煙  
祇恐腥鳧泥洞天  
雲肆有龍君若買  
便敲初日鑄金錢

翠碧

紅矜翠翰兩參差  
徑拂煙華上細枝  
春水漸生魚漸得  
莫辭風雨坐多時

甫里先生集卷之十二終



